

اسماءِ پیاساں

جمیل ملک

موسیقی

آساں پیاساں

(پنجابی غزلاں)

جمیل ملک

بھے حق لکھاری دے

آساں پیاساں	کتاب
جمیل ملک	لکھاری
پنج سو	گفتی
نومبر 1998ء	پہلی واری
اختر شیخ	کمپوزنگ
فیض الاسلام پرنٹنگ پریس راولپنڈی	چھاپن ہار
نویڈ پبلشرز این 222، پراچہ سٹریٹ راولپنڈی	ناشر
150 روپے	قیمت



انتساب

سلیم کاشروے نال

مجتاں نال

○
ایسہ راول یار جمیل تے نتیں
اک جوگی پھردا شہر دے وچ

ترتیب

- 17 ○ اوہدے نال ای باغ بہاراں میں جیدا سوہنا سجراں
- 18 ○ اپنی ماں بولی وچ غزلاں کہناواں
- 19 ○ گھمن گھیریاں پاؤن آساں پیاساں
- 20 ○ توں تے میرے پیار نوں لایاں لیکاں
- 21 ○ منہ دس کے کنڈ وکھاویں ناں
- 22 ○ تیرے نال میں جد وی اٹھدا بنداساں
- 23 ○ کیوں مونہوں کچھ نہ بولاں
- 24 ○ اچے لوکاں نوں سبھے سلامیاں میں
- 25 ○ بہرہی پیار دے پھل پئی لیکدی اے
- 26 ○ تیرے ساہواں وچ سویر
- 27 ○ میں تے اج وی پہلے وانگوں دیکھ کے تینوں بھکیانیں
- 28 ○ ہن کیوں دیندا پھریں دہائی
- 29 ○ دوویں پاسے لڑیاں لڑیاں ٹٹ گیاں تگواراں
- 30 ○ کیدھے لئی اے دل پیا دھڑکے
- 31 ○ اکھیاں چوں اتھرو ڈھل گئے میں
- 32 ○ شبنم ورگے اتھرو مکدے جاندے میں
- 33 ○ ایہو حیات، ایہو بہار
- 34 ○ کون اے ویری جنہیں سانوں روگ اولڑا لایا
- 35 ○ سبھ دے دل پئے کھوہندے سوہنیاں پییاں باتاں والے
- 36 ○ وگدی ہوئی ندی سکدی نہیں
- 37 ○ لمی رات دے ساہ وی رکدے جاندے میں

- 38 ○ بلیاں چوں ہاے تیرے ڈلہ ڈلہ پیندے میں
- 39 ○ کوٹھے اتے آکے جد کال بولے
- 40 ○ سانوں کنڈیاں اتے سٹیا پنڈ دیاں و سٹیکاں
- 41 ○ چار چنیرے بھانڑ بلدا بھانڑ میرے اندر
- 42 ○ دھرتی دے راج دلارے
- 44 ○ اج کئی بنیری جھل پئی اے
- 45 ○ کدوں نظر کشکول کے دا بھردی اے
- 46 ○ چو آں پاسے کرے انج جگمگ لوگو
- 47 ○ چن بھیا وچ بنیرے
- 48 ○ اسی بعدے پھر جہان وچوں
- 49 ○ وسے باغ تے ہن پھل ہزاراں
- 51 ○ تیرا ہانی اج وی تینوں بھلیا نہیں
- 52 ○ موسم نہیں ہار سنگھار دے
- 53 ○ اوہدے کچھے سبھ پلدے میں جیدھے ہتھ نکیل
- 54 ○ دسو کھڑے پاسے جاوے
- 55 ○ بن کے باغیاں وچ پھل گئے آن
- 56 ○ دکھدے دل دا حال سناواں تینوں
- 57 ○ جہڑے موتی سدھراں پالے
- 58 ○ اسی مونہوں کچھ وی بولدے نہیں اسی اندرو اندریں سڑ گئے آں
- 59 ○ مرے اتھرو ترے وصال دے نہیں
- 60 ○ اسے بھروسے تے دکھ دا موسم گزاریا اے
- 61 ○ مہکی اے رات دی رانی
- 62 ○ رکھاں اتے ڈولن ساوے پتر
- 63 ○ نظراں توں دور سویرے نہیں
- 64 ○ وگدیاں وگدیاں دلاں دی ندی سک جاندی اے
- 65 ○ اج اوہ میرے سامنے انج کھلو گئی اے
- 66 ○ کھینڈیاں تے ہسڈیاں باللاں وانگوں

- 67 مینوں مار مکیا مرے شریکاں ○
- 68 ساڈے چار چغیرے لمبو آگ دے نیں ○
- 69 کئی سوہنی رت بہار دی اے ○
- 70 چلدیاں چلدیاں رک جاوے گی چلدی ہوئی ہوا دی کی اے ○
- 71 تیری نہ دا دل وچ سل اے ○
- 72 ساریاں شکلاں پیاریاں کولوں ○
- 73 ہر واری زنگاں وچ پندیاں بھنگاں ○
- 74 بھڑی مینوں رچ کے جاندی اے ○
- 75 میرا ویر اے، اوہ میرا ماں جلیا اے ○
- 76 سارے دکھڑے ای سانوں بھل جاون گے ○
- 77 جس نوں دیکھو اوہو ای مونہ زور اتھے ○
- 78 چپ چپیتے تھکدی رہی اوہ مونہوں کچھ نہ بولی ○
- 79 ساری راتی شبنم روئی ○
- 80 سچ دا سورج نئیں دوپل دا سورج ○
- 81 تیرے نال ای اڈ پڑ گیاں تیریاں گلاں باتاں ○
- 82 ویلے دی اٹھدی لہری ○
- 83 یاد آئی، جندڑی ڈول گئی ○
- 84 بے درداں دی ایس نگری وچ کھڑے پاسے جالیے ○
- 85 سانوں اج تک کچھ ملیا نئیں اس دل جے خانہ خراب کولوں ○
- 86 اوہنے ڈاڈا روگ لگایا مینوں ○
- 87 اوہ وی دن سن دوویں رل کے بہندے ساں ○
- 88 کچھ وی کم نہ آن دعاواں میریاں ○
- 89 دل ڈبڈے تردے نیں ڈوہنگیاں راتاں وچ ○
- 90 کنڈیاں تے جندڑی تولاں ○
- 91 بدل آیا بھریا ہویا ○
- 92 آساں لے کے تیرے بوہے آئے آں ○
- 93 جھڑا تیرے دل وچ چوری ○
- 94 موہنڈے اتے پنڈھ پے گئی اے ○

- 95 سکے رکھ دے وانگوں سکدا جاناں واں ○
- 96 ایتھے ای پلایاں نیں سدھراں ساریاں ○
- 97 ارماں بہرے چھاتی اندر سکدے نیں ○
- 98 دکھڑے کنے تیرے باج جرے نیں بچاں ○
- 99 سدا غریباں دی زندگی اے عذاب ایتھے ○
- 100 سچ توں میں انکار کراں تے کیویں ○
- 101 ہنجو ہاسے پیارے پیارے بچاں دے نال ○
- 102 جتن والے تخت دے اتے بہہ گئے نیں ○
- 103 عمراں لئی قیدی کیتا جے سانوں دسوتے تقصیر کوئی ○
- 104 سوچ رہیا واں اک جندڑی نیں کنے دکھڑے جالے ○
- 105 سچ کہہ دتا توں لہر دے وچ ○
- 106 دل دھڑکے تے اکھ پھڑکے ○
- 107 مینوں جھوٹھیا تیری لوڑ وی نہیں ○
- 108 راہواں وچ پے گئی لوٹی ○
- 109 مونہواں تے اچے بول ○
- 110 ناں اوہدے بوہے جا ○
- 111 کھندی اے دھرتی ماں ○
- 112 ایتھے لبھدا نہیں کوئی مور ○
- 113 کدرے نہیں تیریاں دکھاں ○
- 114 چڑھیاں نیں چیت براتاں ○
- 115 مرے دل تے تیرا راج ○
- 116 مرے تن تے ہتھمکال مار ○
- 117 بہرے آپے چل نہ سکدے ○
- 118 اک پیار دا پنڈ و سالے ○
- 119 کیوں مڑکے پھیرا پایا نہیں رب خیر کرے ○
- 120 لگدے نیں پنڈ دے لوکی کیوں اج اپنے آپ توں ڈرے ڈرے ○
- 121 اوہدے دکھڑے نال اپنے دکھ جرنی آں ○
- 122 تیرے ای دل وچ چور تے نہیں ○

- 123 فن لئی اپنا لہو پیتا ○
- 124 دل انج تے کھلا لگدا ○
- 125 کیسہ لبھناں وچ بزاراں ○
- 127 پہلاں بیڑی آپ ڈبوندے او ○
- 128 جہڑا بانہ ویلے دی پھڑدا ○
- 129 بھل گئے سو پہلاں سبھ تدبیراں نوں ○
- 130 ایسہ محکمہ اے سالاں ورہیاں دی، دل دی آگ نہیں اج دی ○
- 131 جلدیاں بھدیاں میریاں اکھاں ○
- 132 آگوں پچھوں مڑ مڑ آون کیسو، ہیماں آوازاں ○
- 133 ساریاں عمریں توں جس نوں سی ماریا تے تڑفایا ○
- 134 جہڑا بوئے اوہو کئے، محنت دا پھل کھاوے ○
- 135 ہاسیاں وچوں کھڑ کھڑ پیندے پھل گلاباں والے ○
- 136 جو کجھ اپنے پیار چبارے ○
- 137 ترے نال نہیں ہمتاں میریاں ○
- 138 اوہ جہڑیاں دل توں سنگیاں سن ○
- 139 فیرو دی توں سمجھا دتا اے کیسہ اے اج تے کل ○
- 140 جے کوئی بیس نہ اندروں مکے، سکيا بوٹا کھلدا نہیں ○
- 141 ناں کوئی ہیر تے ناں کوئی رانجھا جائے کھڑے پاسے ○
- 142 ڈھولے ماسیے گاؤں والا کوئی نہیں ○
- 143 چھوٹیاں چھوٹیاں گلاں اتے، وڈے جھگڑے جھیرے ○
- 144 میں اوہدے عشق چ بلیا مینوں لبھیا اپنا آپ ○

جمیل ملک
۱۲ اگست ۱۹۲۸ء راولپنڈی
ایم۔ اے اردو، ایم۔ اے فارسی، بی ایڈ
ڈپلوما صحافت (پروفیسر ریٹائرڈ)

مصنف:

ولادت:

تعلیم:

تصانیف:

۱. سرو چراغاں (غزل)
۲. طلوع فردا (نظم)
۳. ندیم کی شاعری فکر، فن، شخصیت (تنقید)
۴. پردہ سخن (غزل)
۵. پس آئینہ (نظم)
۶. شاخ سبز (غزل)
۷. بحری چھال (پنجابی شاعری)
۸. خورشید جاں (نظم)
۹. صدف ریزے (ہائیکو)
۱۰. ادبی منظر نامے (تنقیدی مضامین)
۱۱. اوصاف (حمد و نعت)
۱۲. تھرو کے (گیت)
۱۳. سب سے پیاساں (پنجابی غزلاں)

زیر ترتیب و اشاعت:

- (۱۳) شائستہ بہار (اردو غزلیں) (۱۵) عہد اقبال (تنقیدی مضامین) (۱۶) غزلیں (۱۷) ہائیکو (۱۸) نظمیں
(۱۹) تنقیدی مضامین (۲۰) پنجابی شاعری

اعزازات:

۱. بہترین استاد کا ایوارڈ (ڈائریکٹوریٹ کینٹ اینڈ لائبریری تعلیمی ادارے پاکستان) ۱۹۸۱ء
۲. آدم جی ادبی ایوارڈ (پاکستان رائٹرز گلڈ "پس آئینہ" شعری مجموعہ) ۱۹۸۳ء
۳. نقوش ایوارڈ، بہترین شاعری ۱۹۸۷ء
۴. وثیقہ اعتراف: ملور علمی گارڈن کالج راولپنڈی کی طرف سے (پچاس سالہ علمی اور ادبی خدمات)

۱۹۹۵ء

۵. رائٹرز کلب ایوارڈ (پچاس سالہ حسن کارکردگی) (ادب و شاعری) ۱۹۹۶ء
 ۶. پی ایف آئی مارگلہ واسر اسلام آباد کی طرف سے ایوارڈ (زندگی بھر کی علمی و ادبی خدمات ۱۹۹۷ء)
- تذکرے اور کوائف:

۱۹۷۰ء کی دہائی میں اشاعت پذیر ہونے والی اصطلاحات میں
"انٹر نیشنل ہوا از ہو آف پوٹری" (۲) "من آف ایچو منس" (۳) "انٹر نیشنل ہوا از ہو آف
ایٹھنیکل" "انٹر نیشنل بائیو گرافیکل سنٹر (انگلینڈ)

بولدے اکھراں دی شاعری

اکھراں دے بولن تے نہ بولن دا اندازہ اوس ویلے لگدا اے جدوں کسے اوپری زبان دی کوئی کتاب دیکھئے یا اوپرے بندے دی گل سنئے۔ تے ایس توں خیال ایس پاسے جاندا اے جے اوازاں دی اک ترتیب اکناں واسطے کسے اوازاں دے مجموعے نوں بامعنی بنا جاندی اے تے اکناں واسطے بے معنی۔ بک توں اسی ہور مراد لینے آں تے انگریزی والے ہور مراد لیندے نیں تے جس ویلے میں جمیل ملک دی پنجابی شاعری نوں بولدے اکھراں دی شاعری آکھیا اے اوس ویلے میرے سامنے پنجابی اکھراں دی صدیاں توں چلدی آ رہی جڑت جڑت تے ترتیب اے جس نے لفظاں وچ اوسے طرح دی اک تاثیر تے اک طلسماتی کیفیت پیدا کر دتی ہوئی اے جس طرح دی آکسیجن، ہائیڈروجن تے نائیٹروجن دی جڑت تے جڑت نے پیدا کر کے پانی ورگی تاثیر پیدا کر دتی ہوئی اے۔ ایس فرق نال جے پانی پین ویلے سانوں اوس توں سواد لیندے ہویاں ایسہ جانن دی لوڑ نہیں ہوندی جے تنال گیسوں دا ایسہ کرشمہ اے پر کسے شعر نوں پڑھن تے اوس توں سواد لین ویلے ایسہ جانکاری جتنی زیادہ ہووے اتنا ای سواد ودھدا اے تے ایس طرح جمیل ملک دے اکھراں وچ دی بوتلارککوی اوسے حساب نال پڑھن سنن والے اگے اپنا اندر کھولدی جائے دی جس حساب نال کسے نوں شعراں وچ ورتے گئے لفظاں دی گہرائی دا پتہ ہووے دا۔ خاص طور تے ایس کر کے جے پاکستان دی تقریباً ”ہم عمر ایس شاعری وچ بھادیس لفظ تے پہلے والے ای ورتے گئے نیں پر کسے گنی خاکے لکیرن والے دی طرح اوہناں لفظاں وچ اشارے تے حوالے نویں پئے ہوئے ملدے نیں۔ مثال دے طور تے اے شعراں۔

دھرتی دے ایسہ سبھے دکھ سکھ میرے نیں

ایہناں دھپاں چھاواں بیٹھاں بہنا وال

ایس وچ کوئی لفظ اجیہا نہیں جیہڑ پنجابیاں واسطے تے پنجابی شاعری واسطے ”جدید“

ہووے پر سارے لفظاں دی جڑت جڑت توں مفہوم دی اک جدید فضا پیدا ہو جاندی اے
تے جتنا وی کوئی پڑھن سنن والا اوس فضا نوں سمجھن والا تے اوس دی ہاں وچ ہاں ملاون
والا ہووے گا اتنا ای اوس تے اوہ پیغام کھلدا جوے گا۔ جس نوں دوجیاں تک اپڑانا جمیل
ورگے نظریاتی شاعر لئی ضروری سی تے بچ پا کے بھائیں ساڈے بزرگ کلاسیکی شاعراں ایس
خیال نوں دھرایا ہووے دا تے وحدت الوجود دی ترکیب وچ سانوں ایس دا لشکارا ملدا اے پر
انج کھل کے دھرتی دے دکھاں سکھاں دی گل سانوں کلاسیکی شاعری وچ نہیں ملدی تے
غزل تے ایس توں بالکل ای ہتھل سی بلکہ بچ تاں ایسہ دے جے ایس غزل دا مکھڑا وی
جمیل ملک دے سردا سرا بند اے۔

اپنی ماں بولی وچ غزلاں کہنا واں
انج لگدا اے ماں دے کول ای رہنا واں

ماں بولی وچ صدیاں توں ساڈے بزرگ شاعری کردے آئے پر اوہناں نوں ایسہ احساس
کدی وی نہیں سی ہویا جے ”انج لگدا اے ماں دے کول ای رہنا واں“
تے شاید ایس کرکے جے سرکاری زبان بہتی فارسی نے کدے وی پنجابی نال سیاسی یا مذہبی
سطح تے متکنا نہیں سی لایا۔ ایسہ متکنا سیاسی طور تے ۱۹۴۷ء دے آل دوالے لگدا دسیا تے
اک واری تاں پنجاب نوں روہڑ کے ای لے گیا تے اوسے طرح سیاسی طور تے ای ایس نوں
ڈکالان دا کیتا گیا جس طرح ایران وچ سیاسی رسہ کشی نے عربی دی کانگ اگے ڈکے لائے
سن۔ ایس فرق نال جے ایران کول کوئی تیجی زبان نہیں سی تے ساڈے کول اک تیجی زبان
ہے سی تے اسی فارسی کولوں تے آگوں چل کے انگریزی کولوں تے پوری طرح ہار نہ کھاہدی
پر اردو کولوں ضرور کنڈ لوالی تے وقت نے جدوں تھوڑا جیہا سنہنل دتا جمیل ملک ورگیاں
نوں اوہ سواد یاد آون لگ پیا جیہڑا صرف ماں بولی دا حصہ ہوندا اے تے با ساختہ اوس دے
مونہوں نکلیا۔ ”اپنی ماں بولی وچ غزلاں کہنا واں“

پاکستان بنن نال جتھے نویں اڑچ کھلے اوتھے نویں ہنئیدے وی محسوس ہوئے۔ ایس توں
پہلاں انگریز دے سو سال دے راج وچ پہلی ادھی صدی دے دیکیاں دی نذر ہو گئی سی۔
دوجی دے پہلے ویسہ سال رولٹ ایکٹ ورگیاں ڈراویاں وچ گزرے تے جے کسے کجھ ہواڑ
کڈھی وی تاں اوس توں آگوں آگ نہ بھڑک سکی تے سکھ راج پاروں پنجاب وچ کوئی
پنجاب پیار دی لہر نہ اٹھ سکی۔ پر جدوں حرف جمیل آزاد ہویا تے چپ دی سولی ٹٹی تاں قلم

دواتاں والیاں بولدے اکھر لکھنے شروع کردتے تے اوہناں وچوں اک اگھڑواں نال جمیل ملک والے۔

میں اتے اشارہ کیتا اے جے جمیل ملک اک نظریاتی شاعر اے جس توں میری مراد ایہہ وے جے اوہ حالات دی مسل تے اگھڑھا لاؤن والیاں وچوں نہیں سی۔ اوس نوں ایس اتے اعتراض نہیں سی جے پورے ملک نوں مذہبی وسیب دے حوالے نال ونڈ دتا جائے پر اوس نوں ایس تے ضرور اعتراض سی جے بادشاہ نوں تنگیاں ویکھ کے تنگیاں نہ آکھیا جائے تے من لیا جائے کہ اوس نے کوئی نوری لباس پایا ہویا اے تے ایسے کر کے ایہناں غزلاں وچ تہانوں تھان تھان انج دے اشارے ملن گے۔

جھوٹھ دے نال میں کدی وی یاری کیتی نہیں

کیہ جھوٹھ تے سچ دی یاری

ایہناں دوآں مصرعیاں وچ جھوٹ توں کسے تاریخی ہونی دل اشارہ نہیں جاندا اک خاص قسم دی صورت حال دل جاندا اے جیہڑی ۱۹۴۰ء وں ۱۹۴۷ء تائیں اک سہانے خواب دی طرح اکھاں اگے سی تے ۱۹۴۸ء دے جم اپنے آپ نوں خوش نصیب سمجھ رہے سن جے پچھیتی ای اوہ اپنے خواباں دی وادی وچ جا اپرن دے تے جد ایم اے کرن توں بعد تے پاکستان بن جان نال وی ”اوہو ترنگر کھیتاں تے اوہو کلی رات“ والا سماں دیا تے اندر اک بے یقینی جی جاگن لگ پئی۔ علم تے بیکاری نے ماضی دل دھیان پھرایا تے پتہ لگا۔

ایس عشق کتاب نے مکنا نہیں

نہیں رانجھے ورتے تھل گئے نہیں

اتلھے آکے بندہ دورا ہے تے اجک جاندا اے تے بعض ہار من کے وقت شناس ہو جاندا ہے نہیں، بعض ہار نہیں مندے۔ جمیل ملک اسی دوجی ونڈ والیاں وچوں سی تے اوس نے تاریخ کولوں اک وکھرا سبق لیا۔ ہر منزل نوں پچھے پھڈ کے اگے ودھنا ساڈی کھیڈ۔

پھلاں نہیں کھڑتا چھڈتا نہیں

اتلھے کنے جھکھڑ جھل گئے نہیں

ایہہ سوچ تے ایہہ اوم ہمیشہ توں سنگ پری رہیا اے جے کلا بندہ کتنا وی دلیر ہووے کے نہ کے ویلے ڈولدا جایدا اے تے ایسے کر کے اسی جمیل ملک نوں سنگ پری دیکھنے آں تے کھل کے نہ سہی انہما انہما اوس لہرتوں وی متاثر جیہڑی جمیل ملک دی جوانی دے نال

چڑھ رہی سی تے جس دے اثر بیٹھ اوس دے کلام وچ انج دے شعروں ملدے نیں۔

بہرے مٹی دے و سنیک نیں
دھرتی دے لیکھ سنوار دے
اوہو تے جن بلی نے
بہرے بلی بھ سنار دے

دھرتی تے سنار پیار دی ایہہ اواز جمیل ملک دے دور دی اوہ اواز سی جس نوں
سائنسی تے علمی ترقی دے پیدا کتے راہنمائی نیں زوردار وی بنایا سی تے وقت دی ضرورت
وی تے ایس وچ کافی حد تک روس ولوں اٹھدی لہروا وی دخل سی یعنی اشتراکیت دا۔ میری
تے جمیل ملک دی عمر دے بہت سارے لوک اوس وہن وچ ٹھل گئے سن تے سچ تاں ایہہ
وے جے ایہہ ٹھل پینا حالات دی اک ستم ظریفی سی جے خواب نگر وچ آکے اوس سے دی
نوجوان نسل دی حالت اوس پنجابی مثال ورگی سی جے ”تیلی وی کیتا تے رکھا وی کھاہدا“
اوس نسل دی سدھرتے انج دی سی

ایہو حیاتی ایہو بہار
وسدیاں گلیاں ہمدے گھار

تے جس ویلے اوہ کندا اے۔

ویلا کدے جمیل اوہ وی آ جانا اے
دل دے جانی ہن پنجن گاون گے

تاں اصل وچ ایہہ گل کیتی گئی اے جے اوہ سدھری ویلا ابجے نہیں آیا بلکہ اوہ
محسوس کردا اے جے

اج دا بندہ شیشے ورگا
اندروں باہروں ٹٹیا ہويا

ٹٹے ہوئے بندے دی کتھا ایہناں دو شعراں وچ اک ہور ڈھب نال بیانی گئی اے۔

پہلاں راتیں خواب تے تھکدے رہندے ساں
ہن تے ساڈے خواب وی مکدے جاندے نیں
لمی رات دے ساہ وی رکدے جاندے نیں
اک اک کر کے خواب وی مکدے جاندے نیں

ایہو جئے مار دا اک ہوو شعراے۔

نظراں توں دور سویرے نہیں

ہر پاسے انج بنیرے نہیں

ایہہ بنیرے اوہو نہیں جنہاں ول سب توں پہلاں اقبال نے ایہہ دیکھدیاں ہوياں
جے اتھتے دے جاگیرداری نظام دی بنیاد غلط اے، آکھیا سی۔

وہ خدایا یہ زمیں تیری نہیں تیری نہیں

تیرے آبا کی نہیں تیری نہیں میری نہیں

تے اپنے ویلے جیل ملک نے انج.....

کھیت وی اوہدا پھل وی اوہدا

جیدے موٹھے اتے ہل اے

ایس دل ڈھاؤ صورت حال وچ بندے کول اک ای جھوٹھی تسلی رہ جاندی اے تے

اک طرح اوہ بھی بڑی وڈی تسلی اے جے۔

کدی نمانے وی جت یندے نہیں جیون دی بازی

مونہاں بھار وی ڈگ پیندے نہیں اچیاں ذاتاں والے

نمانے دے جت جان والی گل ہو سکدا اے چوکیاں نوں کوئی تاریخی سچائی نہ لگے تے

اوہناں نوں جیل ملک دا ایہہ شعر شاید زیادہ حسب حال ہووے۔

اوہدے پچھے سب پنلے نہیں جس دے ہتھ نکیل

اوکھے سوکھے سارے کھیڈن جیون دا ایہہ کھیل

تے لگدا اے جے جیل ملک وی ایس تیر دے وار توں اپنے آپ نوں پوری طرح بچا

نہیں سکیا پر اوس دی ایہہ گل وی سٹن والی نہیں جے۔

پر ایس دا ایہہ تاں مطلب نہیں اسی خواب ای دیکھنا چھڈ دیئے

ایہہ گل وی سچ اے ملیا نہیں کجھ کسے وی سوہنے خواب کولوں

کھرا دبندا میں جیل ملک دے پچھے پچھے جدھر جدھر ٹریاں اوس توں اگے جے مینوں

کلاسیکی عرفان، شاعراں دے ویٹرنے جا واڑے تے کوئی تعجب دی گل نہیں تے احساس ہوندا

اے جے صدیاں پہلاں دے عارفان نے کیوں بار بار گور دی گل چھیڑی کیتی سی تے جیل

ملک دے شعراں وچ جس طرح تھاں تھاں ایہہ اشارے ملدے نہیں (اپنے مطالعہ تے مان

نہ کردا ہویا) میں کہہ سکنا جے بہت گھٹ اجوکے ترقی پسند تے نظریاتی شاعراں ظالماں نوں
ایس حوالے نال ڈران دی کیتی ہووے دی۔

جہڑا بادشاہواں دا بادشاہ سی

انت اوس دی اوڑک گور سی

آکڑ کلہدی ذرا دیکھ کے چل

ترے سامنے تیری گور تے ننیں

گور والی ایسہ چٹاونی سانوں اک ہور رنگ وچ وی جمیل ملک دے شعراں وچ ملدی
اے تے اوہ وے تپائیداری دا رنگ جس نوں اسی اپنے کلاسیکی شاعراں دا ای رنگ کہہ سکے
آں۔

چلدی چلدی رک جاوے گی چلدی ہوئی ہوا وی کی اے!

کٹدیاں کٹدیاں کٹ جاوے گی انت حیاتی دا وی کی اے!

اندروں باہروں مڑ مڑ ٹکیا دوآں دا کجھ سرا نہ ملیا

بندہ تے آخر بندہ اے سر دے اتے خدا وی کی اے!

جد تائیں اتھے جیوندیاں رہنا بس ساہواں نوں گندیاں رہنا

تیرے بندی وان دی جگ وچ اپنی وڈی سزا وی کی اے!

جمیل ملک دے ایسہ اکھروی کجھ بولدے نیں۔ کی اسی ایس نتیجے تے اپڑیے جے پنجابی

دے صوفی شاعر اپنے تربیتی پچھوکڑ دے سرتے جس منزل تائیں جوان عمری وچ ای اپڑ گئے

جاپدے نیں اج دے نظریاتی شاعر نوں بہت تھک کے بوتھے اپرنا پیندا اے، ایس دا جواب

میں جمیل ملک تے اوس دی شاعری نوں پڑھن والیاں اتے چھڈدا ہویا گل نوں ختم کرتاں۔

شریف کنجاہی

۲۴-۲-۹۸

نعت

اوہدے نال ای باغ بہاراں نیں جیدا سوہنا سجرا نال
 اوس رکھ دے تھلے بہہ جائے جیدی ٹھنڈی ٹھنڈی چھاں
 منزل جے کول وی ہووے تے لگدی اے رکنی دُور
 جہڑا ساڈے ساہواں وچ وسے اوہنوں لہئے شہر گراں
 ایسہ دنیا ساڈی ویری اے، تسی سبھ کجھ جاندے او
 اسی مونہوں کجھ وی کہندے نہیں، تسی آپ ای کرو نیاں
 جے اوہ ساڈی بانہہ پھڑ لیون ڈبدے بیڑے تر جان
 اسی کچے گھرے نوں لے کے وی کر جائے پار جھناں
 جدوں میم الف دے نال ملے بن جاوے وگڑی گل
 انج نال تے دونویں وڈے نیں ایسہ اپنی اپنی تھان
 ساڈے دل وچ نور محمد دا ساڈے سر تے رب دا ہتھ
 اسی اس دھرتی دے جائے آں ایسہ دھرتی ساڈی ماں
 جے اپنا دل دیوانہ اے اوس کملی والے دا
 فیر گل سمجھان دی کھڑی اے کملے نوں کیہ سمجھاں



اپنی ماں بولی وچ غزلاں کہنا واں
 انج لگدا اے ماں دے کول ای رہنا واں
 دھرتی دے ایہہ سبھے دکھ سکھ میرے نہیں
 اینہاں دھپاں چھاواں بیٹھاں بہنا واں
 اپنے دل وچ سچ دی گل لکائی نتیں
 جو مینوں کہنا ہندا اے کہنا واں
 دل توں جا سکدی نتیں مانگ اے جہاں دی
 ایدھے لئی میں کی کجھ کی کجھ سہنا واں
 پیار دا سونا ہور وی میں چمکایا اے
 اندروں اندریں بھاویں دھندا رہنا واں
 ساہواں وچ چاہواں دی ونبھلی وجدی اے
 سُر سنگیت دی لہر لہر وچ بہنا واں





گھمن گھیریاں پاؤن آساں پیاساں
 آون، اڈ پڈ جاون آساں پیاساں
 پانی دی اک بوند کدی نہ وستی
 خالی خولی چھاؤن آساں پیاساں
 ہنجواں دے دریا وچ بہہ بہہ جائیے
 سانوں کنناں رلاؤن آساں پیاساں
 ساڈی کوئی آس نہ پیاس وی بچھے
 دل نوں بڑا جلاؤن آساں پیاساں
 سچاں باج نہ پیاس کسے دی بھدی
 دل نوں ایہہ سمجھاؤن آساں پیاساں
 آس وی توں ایس ساڈی پیاس وی توں ایس
 تیری یاد دلاؤن آساں پیاساں
 اسی تے سبھ ترہائے ای مر جائیے
 جے سبھ مک جاون آساں پیاساں





توں تے میرے پیار نوں لایاں لیکان
 میں کیوں تینوں اج وی پیا اڈیکان
 کیوں وڈھیاں نال توں لیکھا لایا!
 کیہ بولاں میں بہہ کے وچ شریکان!
 کوئی غریب محبت کر نہیں سکدا
 جرم ایہو سی بھگتاں روز تریکان
 پیار دلاں دا سودا زور نہ چلدا
 تینوں کیوں میں اپنے نال دھریکان
 نہیں سی پیار تے کیوں نسدا آیا اس
 ادھی راتی سُن کے میریاں چیکاں!
 سانجھا پیار اے روشنی تے رشنائی
 سمجھناں توں میں اس دیاں منگاں بھیکاں





منہ دس کے کنڈ وکھاویں نال
 ہن آیا ایں تے جاویں نال
 ترے ہاسے مار مکلیا سی
 ہن رو کے مار مکاویں نال
 جہڑا بوہا غیر دا بوہا اے
 اوہ بوہا جا کھڑکاویں نال
 میں جیوندے جی نہ مر جاواں
 غیراں دا بھیس وٹاویں نال
 میں بندہ سدھا سدا ویاں
 کوئی ول سول وکھاویں نال
 توں چال رقیباں دی چل کے
 نظراں وچوں لہ جاویں نال
 مرا پیار تے سچا سچا اے
 ایسہ پیار جمیل بھلاویں نال





تیرے نال میں جد وی اٹھدا بہندا ساں
 چن تے سورج نال ای چڑھدا لہندا ساں
 کل مکلا نئیں ساں نال زمانہ سی
 تیری گل وچ سبھناں دی گل کہندا ساں
 تیرا دل وی میرے دل وچ وسدا سی
 دور وی ہو کے تیرے کول ای رہندا ساں
 تینوں ہسڈیاں ویکھ کے کدی روایا نئیں
 ہر دکھڑا میں اپنے دل تے سہندا ساں
 ایہنے مینوں سیر کرائی دنیا دی
 دل دریا دے نال ای بہندا رہندا ساں
 جھوٹھ دے نال میں کدی وی یاری کیتی نئیں
 جھوٹھی گل توں آپ ای آپ ترہندا ساں
 اگے ودھ کے کوئی سنبھالا دیندا سی
 چلدیاں چلدیاں جد میں ڈگ ڈگ پیندا ساں
 اج وی ساہواں دے وچ آندی جاندی اے
 کل وی سجری وا دے نال میں بہندا ساں
 یاراں نئیں مل جل کے مینوں ڈھا دتا
 دشمنان کولوں کدوں جمیل میں ڈھیندا ساں





کیوں مومنوں کچھ نہ بولاں!
 میں بیک بیک اتھرو رولاں
 مرے اتھرو وڑھے موتی
 کیوں مٹی دے وچ رولاں
 تینوں دل وچ سانجھ کے رکھیا
 آویں تے بوبا کھولاں
 تون سینہ کھول کے دسیں
 میں اپنے دکھڑے پھولاں
 سونے وچ کھوٹ نہ ہووے
 رہ رہ کے پیار نون تولوں
 کوئی درشن دین تون پہلاں
 میں اپنے آپ نون ٹولاں
 کیہ سچ تے جھوٹھ دی یاری
 امرت وچ زہر نہ گھولاں
 سینے وچ ٹھنڈ پے جاوے
 میں پیار دی پکھی جھولاں
 ترا پیار شراباں ورگا
 میں پیواں تے میں ڈولاں





اچے لوکل نوں سکے سلامیاں نہیں
 وڈھے کم کیتے نہیں کامیاں نہیں
 اُچے لوک تے محلاں دے قیدی نہیں
 سارے شر وسائے نے عامیاں نہیں
 کیوں عشق دا پلڑا پھرنا ایں
 جے کر عشق دے وچ بدنامیاں نہیں!
 تینوں سکھ دی نیند سوایا اے
 ترے عاشق دی بے رامیاں نہیں
 محکمے ڈڈھ دے لئی تن وک جاندے
 اج گھر گھر وچ نیلامیاں نہیں
 ہس ہس کے سولی چاڑھ دتا
 کیہ کیتا اے تیرے حامیاں نہیں!
 اپنے ہتھوں ای آپ شہید کیتا
 پہلاں گھر بلا کے شامیاں نہیں
 ودھی جاندیاں نہیں ایہہ گھنڈیاں نہیں
 کیو جیل جیل غلامیاں نہیں!





جہڑی پیار دے پھل پئی لیکدی اے
 اوہ گل دل دے وسنیک دی اے
 والاں نوں کھول کے بیٹھی ہوئی
 تینوں اج وی شام اڈیکدی اے
 کیوں پنڑاں توں مڑ آیا نہیں
 تھلاں وچ سستی چیکدی اے
 جاون والے کد آوندے نیں
 کملی کیوں کندھل لیکدی اے!
 اوہدی پریا وچ کوئی سندا نہیں
 اوہ کلی بہہ کے چیکدی اے
 جنہیں بھرویں گھر نوں ساڑ دتا
 اوہ اگ تے کسے شریک دی اے
 کجھ ہور خدا توں منگیا نہیں
 اک بنتی پیار دی بھیک دی اے





تیرے ساہواں وچ سوئے
 توں پھلاں بھری چنگیر
 دھرتی دا ساق تے بک
 اُنج ون سوئے ہیر
 کوئی دل دی اور نہ ٹھور
 راہواں دے سارے پھیر
 منزل تے گیا کون!
 امہ دھرتی گھمن گھیر
 بک رانجھا تے بک ہیر
 کھیزے نہیں چار چوہیر
 اسل کیہ کرنا اوہ چن
 جیدھے چانن وچ ہیر
 اتھے وگدے پنچ دریا
 اتھے بگدے شیر دلیر
 اوہ کل ہووے یا اج
 شیراں دے پتر شیر
 اج دشمن زیرِ جمیل
 اج گھر بھل دے ڈھیر





میں تے اج وی پہلے وانگوں وکھ کے تینوں بھکیا نہیں
 خورے تینوں کیسہ ہویا اے توں میرے ول نکیا نہیں
 تیرے تل حیاتی دا سودا تے منگا سودا سی
 رنج کے دل دی گل ای کردا امہ وی میں کر سکیا نہیں
 اک دوجے دے تل مرن دی گل تے دوویں کردے ساں
 پر جیون دی تہنگ سی ڈاڈی زہر کے نیں بھکیا نہیں
 ہر منزل نوں پچھے چھڈ کے اگے ودھنا اپنی کھینڈ
 تھک ٹٹ گئے نیں پنڈے سارے پر میں فیروی بھکیا نہیں
 جگمگ جگمگ امہ سرتواں پیار نشانی امہ ساڈی
 تینوں تک تک میں نہیں رجیا توں وی میٹھوں اکیا نہیں
 اگ وچ تپ تپ کے لوہا وی ہو جاندا اے موم جمیل
 اوہ میوہ کس کم دا بھڑا دل دی آنج تے پکیا نہیں!





ہن کیوں دیندا پھریں وہائی
 مونسوں نکلی گل، پرائی
 خشبو وی کدی چھپ سکدی اے
 ایویں دل دی گل لکائی
 پیار مری جھولی وچ پا کے
 ویرا دے دے واگ پھرائی
 جتن دا گھر لگا کر کے
 کیوں غیراں دی جھوک وسائی؟
 ویری گھار وی لٹ کے لے گئے
 فیر دی تینوں لاج نہ آئی!
 سارا پنڈا لوں لوں کرا
 کینیں جندڑی مار مکائی!
 پل پل میں سپ بن کے ڈنگیا
 شوق سپیرے بین وجائی
 ہوو جھیل نہیں کجھ پلے
 پیار دے بول نرول مکائی





دوویں پاسے لڑدیاں لڑدیاں ٹٹ گئیاں تلمواراں
 فیر وی ایہو ضد دوہاں دی میں کیوں بازی ہاراں
 شام پوے تے فیر اوہناں نوں گھر دی یاد ستاوے
 فجر فجر کتھے جاون پکھرو بنجہ قطاراں
 کھوہ دے اوہلے بہہ کے وی میں ازلاں دا ترہیا
 دل دے کھوہ دا پانی بھر بھر لے جاون میاراں
 جنگل بیلے، باغ بیچے بیچے سارے
 سگی ساتھی، پنکھی پنچھی اڑ گئے مار اڈاراں
 چوکھٹ تے برہوں دی ماری تیری راہ پئی نکدی
 ہن تے شامل وی پے چلیں جنجں موڑ مہاراں
 پرلے پاسے بھیت اے کھڑا جیدھی تھوہ نہ لہے
 جی کروا اے کدرے جاواں، میں وی جھاتی ماراں
 شکر دوپہر حیاتی والی، ساڈا لوں لوں ساڑے
 تیریاں یاداں چھم چھم چھم چھم گاون میگھ ملہاراں
 اتوں کچے برج منارے وچوں دل دے کچے
 دل دی ساڑ نہ لئی جنہاں او کتھے نیں سرکاراں
 میاں محمد، ہور جمیل دی کون کرے غم خواری
 یاراں تے دلداراں تل نیں ساریاں بلغ بہاراں





کدھے لئی اہمہ دل پیا دھڑکے
 اج کیوں میری اکھ پئی پھڑکے
 میں سمجھل مرا سورج چڑھیا
 جے توں آویں تڑکے تڑکے
 خورے توں آویں مل آویں
 بدل گئے، بجلی کڑکے
 اومی راتی اٹھ اٹھ نل
 بندڑی کبے، بوبا کھڑکے
 سینے وچ پئے لبو اٹھن
 چاراں پاسے اگ پئی بھڑکے
 دل وچ سی اوہ یاد دا ہوکا
 اکھ وچ جہڑا اتھرو رڑکے
 لکھل دی سل گکھ دی ہو گئی
 اندروں اندریں میں سڑ سڑ کے
 جن بن کے دیویں نہ دھوکا
 چھوڑ نہ جاویں اہمہ بانہ پھڑکے





اکھیاں چوں اتھرو ڈھل گئے نیں
 پیراں وچ موتی رل گئے نیں
 ہنجاواں دے ہڑ کجھ اپنے سن
 ورہیاں دے داغ وی دھل گئے نیں
 اس بے قدراں دی دستی وچ
 انمول اتھرو بے مل گئے نیں
 جڑے واقف سارے شر دے سن
 کیوں گھار دا رستہ بھل گئے نیں
 اس عشق کتاب نیں مکنا نہیں
 کنے رانجھے ورقے تھل گئے نیں!
 پھلاں نیں کھڑنا چھڈیا نہیں
 ایتھے کنے جھکڑ جھل گئے نیں!
 ایہہ خشبو سبھ توں دکھری اے
 ساہواں وچ جذبے کھل گئے نیں





شبنم ورگے اتھرو مکدے جاندے نیں
 پیار دے سلوے پتر سکدے جاندے نیں
 اکھل اکھل دے وچ پنڈے مکدے جان
 دلاں دے سارے سودے پکدے جاندے نیں
 پہلاں راتی خواب تے نکدے ریندے سل
 ہن تے ساڈے خواب وی مکدے جاندے نیں
 پوہ بھٹدے ای بھنل تیرے مکھڑے دی
 روگ وی تاریاں دانگوں مکدے جاندے نیں
 ویریاں بھانڈے بالے چار چوفیر جمیل
 چڑیاں دے سب آہنے بھکدے جاندے نیں





ایہو حیاتی ایہو بہار
 وسدیاں گلیاں ہسے گھار
 چک کے صدیاں دے ایہہ دکھ
 پلدے رہے اسی پہلں بہار
 اسی وی اڑتا سکھ لئیے
 ویکھ کے اوہ کونجیاں دی ڈار
 اسلمں تک جھوٹے لے
 جیون دی ایہہ پیٹنگ ہمار
 دل وچ ٹھنڈ پیندی جاوے
 سلون گاوے میگھ ملہار
 راہیں دے دل کھوہندی اے
 گوری کر کے ہار سنگھار
 ساڈی اکھ ترہائی اے
 ایدھر وی تے جھاتی مار
 خشبو وانگن نواں نکور
 دھرتی مل دا پیار دلار
 دل دی کھیڈ دے وچ جمیل
 کسیدی جت تے کسیدی ہارا!





کون اے ویری جنہیں سانوں روگ اوڑا لایا
 آپ اسمان تے پیا اڈا سانوں مار مکایا
 سکھ سنیڑا لین گیا سی مڑ کے کیوں متیں آیا
 کیدھے لئی میں چار چوفیرے دکھ دا شر و سلیا
 پیار وچھوڑے والیاں راتیں جنہاں درد وٹایا
 اونی دل دی پڑ ودھیری اوتا درد سوایا
 رات ہیری پر میں تیری لو وچ ٹردا جلاواں
 توں میریاں راہواں دا چانن میں آں تیری چھلایا
 اکو مل دا ددھ پی کے کنج وکھو وکھ ہو جائے
 مل جائے دی بانہ پھڑ کے کرلائے اک مل جلیا
 اُسا ہسا دسا دسا شر دی کنہاں لگا لگے
 جھگیں دا دل توڑ کے جنہیں اپنا شر و سلیا





سبھ دا دل پئے کھومندے سونیاں پھیاں باتن والے
 بچن دی جنج ڈگی لے کے تھل سوغاتاں والے
 سکھ دے وہڑے ووہیاں دی اکھیاں وچ سفنے بھر کے
 تاریاں دے سنگ ٹر دے جاون چن براتن والے
 اپنے ڈبے ساہواں تے وی مان تہانوں کلہا
 اسی آں چڑھدے سورج تسی او ڈھلایاں راتن والے
 کدی نمانے وی جت لیندے نیں جیون دی بازی
 مونہں بھار وی ڈھ پیندے نیں اچیل ذاتن والے
 چھم چھم بدل ویا سینے دے وچ ٹھنڈاں پیاں
 بھرے موسم مڑ آئے پچھلی برساتن والے
 حرف جمیل آزاد ہویا تے چپ دی سولی ٹٹی
 بولدے اکھر پئے لکھدے نیں قلم دواتن والے





وگدی ہوئی ندی سکدی نہیں
 اے تہنگ من دی مکدی نہیں
 اے اٹھدی چھل جوانی دی
 اے چھل کے توں رکدی نہیں
 اے پیار دلاں دا سودا اے
 اے جنج بوہے تے ڈھکدی نہیں
 اوہ پیار دا مل پئے پاندے نہیں
 اے قیمت ساتھوں پکدی نہیں
 سوہنی بجن دی ہو جلوے
 تے بجن کولوں لکدی نہیں
 بجن دی گل تے دکھری اے
 جند غیراں اگے بھکدی نہیں





لی رات دے ساہ وی رکدے جاندے نہیں
 اک اک کر کے خواب وی مکدے جاندے نہیں
 کندھل اتے بھار اے ایٹل ورہیل دا
 کنے پکے گھار وی بھکدے جاندے نہیں
 خورے ساڈی پیاس اے کنیل صدیاں دی
 شوہ دریا تے کھو وی سکدے جاندے نہیں
 دلاں دے بھڑے بھڑے سودے کیتے سن
 ہتھو ہتھ اوہ سودے پکدے جاندے نہیں
 ویریاں چار چوہیرے لبو لائے نہیں
 سدے دسدے گھار وی بھکدے جاندے نہیں
 قلم ڈبویے فر لو دی رشنائی وچ
 لکھے ہوئے سبھ اکھر سکدے جاندے نہیں





بلیاں چوں ہاے تیرے ڈلہ ڈلہ پیندے نہیں
 جہڑی توں لکائیں، ساتھوں اوہو گل کھندے نہیں
 جھنک توں دوری چنل چنگی نیتوں لگدی
 ویکھ جن تارا دوویں کول کول رہندے نہیں
 جہڑے تیرے پیار دیاں قدریں نہیں جاندے
 دنیا دے طعنے معنے ہس ہس سہندے نہیں
 کڑی لوہ بہار جی جہڑے پاسوں لنگھدی
 اڈ اڈ پھل لوہدے پیراں وچ ڈھیندے نہیں
 ساری ساری راتی گلاں کرے نہ ٹھکدے
 عمریں دے بلی جدوں دل مل بہندے نہیں





کوٹھے اتے آ کے جد کل بولے
 کنل وچ بجنل دا تل بولے
 رات والے وعدیاں دی لاج رکھ لئیں
 اکھ اوہدی کچلے دی تھل بولے
 چن بانج مینوں کنل ڈر لگدا
 نمی نمی تاریاں دی چھل بولے
 سوہنی لہر لہر دا ساگ بن گئی
 ساری رات وگدا جھل بولے
 ونبلی دے سر وچ ہیر بولدی
 ہیر وچ بھرواں گراں بولے
 ساڈے تل دھرتی دا دل دھڑکے
 انج لگے جیویں ساڈی مل بولے
 امبری دے سینے وچ ٹھنڈ پا دے
 دھرتی دی ٹھنڈی ٹھنڈی چھل بولے
 مل اوس ولے دا جمیل کوئی تل
 جدوں اوہدی تل وچ ہل بولے





سانوں کنڈیاں اتے سٹیا پنڈ دیاں وسینکھاں
 ہو رتے اوہنل کیسہ دینا سی متھے لائیاں لیکھاں
 دو اکھل دے شوہ دریاواں بھیت دلاں دے کھولے
 میں ہنجواں وچ ڈبدی جلاواں بیٹھی وچ شریکاں
 لوکو آپ ای دسو اتھے اوس دا دردی کہڑا
 اندرو اندر ای رہ گئیں گھٹ کے جس دیاں چیکاں
 اچیں نیویاں راہواں کچھ کے خورے توں کد آویں
 میں دکھیاں اڈیاں چک چک تیری راہ اڈیکھاں
 پیار دی بازی کھینڈن والے روز کچھری چڑھدے
 جرم نہ کوئی ثابت ہندا پندیاں روز تریکاں
 تیرے بلج جمیل نہ کوئی اوہنل نوں پڑھ سکے
 ون سوئے ہنجواں تل میں جھڑے اکھر لیکھاں





چار چوہیرے بھانڈا بلدا بھانڈا میرے اندر
 فیر وی پنڈا گاندا رہندا دل اوہ مست قلندر
 خورے کیسہ گل سی کیوں سوہنی چھلاں وچ ڈب موئی
 دل دریا دے تارو تے تر جاندے ست سمندر
 دل وچ جھاتی مار کے دیکھو بھ کچھ نظریں آوے
 دل دے اندر ای رب وسدا ایسہ شیشہ من مندر
 ہمدے وسدے بلغ بھینچے سارے ای سک جاون
 دھک دھک کردیاں جے رک جالوے دل دا پنڈا جندر
 اوہ درویش اے بھ توں دکھرا اوہدے کول حیاتی
 جس دی روح وچ لوہھ نہ کوئی دل دا بھڑا سکندر





دھرتی دے راج دلارے
 چڑھ سولی لین ہلارے
 انج سوہنی ڈھلکاں مارے
 جیوں بجلی دے لشکارے
 اسی چن نوں وی ہتھ پائیے
 ساڈے پیراں ہیٹھاں تارے
 کدھرے توں وک نہ جاویں
 مل پان آئے ونجارے
 ترے چھل فریب نہ چکئے
 ایسہ پنڈاں کولوں بھارے
 جہڑے گھر توں بے گھر ہوئے
 مڑ گھر نوں لبھدے سارے
 جہڑے لٹن دوویں ہتھیں
 اوہناں دے وارے نیارے

رویے تے رو نہ سکیئے
 اکھاں وچ اڑکن تارے
 لوکاں دے کم نہ آون
 تے ایہہ اتھرو کس کارے!
 روحاں دا سونا ڈھالن
 اج مل جل کے نغیارے
 رب سدا سلامت رکھے
 ساڈے اچے برج منارے





اج کہی ہیری جھل گئی اے
 جند گکھاں وانگوں رل گئی اے
 تن سارا لیر و لیر ہویا
 روح کنڈیاں اتے تل گئی اے
 جنہیں ساڈا مان ودھایا سی
 اوہ گل تینوں کیوں بھل گئی اے!
 جھڑی لعلوں کولوں مہنگی سی
 اوہ سدھر کیوں ان مل گئی اے!
 سانوں عرشوں فرش تے سٹ دتا
 تیری وڈیائی کھل گئی اے
 اج اندروں ہوکا اٹھیا اے
 ساڈی اکھ فریادی ڈھل گئی اے
 اج رل جمیل دے سینے دی
 اتھرو اتھرو وچ گھل گئی اے۔





کدوں نظر کشکول کسے دا بھردی اے!
 ایڈا کھڑا جھڑا میرا دردی اے!
 کون بجھاوے اگ مرے اکلاپے دی
 جندڑی ڈاہڈی لمبواں دے وچ سڑدی اے
 درداں دی ایسہ سریوں کدرے ویکھی جے!
 پھلاں ورگے چہریاں اتے زردی اے
 پنڈا ننگا جس جھلے دے جھل ورگا
 اوہدے لئی کی گرمی تے کی سردی اے!
 فیر وی سدھر مکدی نتیں حیاتی دی
 اک اک ساہ وچ سو سو واری مردی اے
 اوتھے کوئی جتّی دا کیہ مان کرے
 جتی ہوئی بازی جتھے ہردی اے
 پہلے لوکی رات دے کولوں ڈردے سن
 آپ اپنے توں رات وی ہن پئی ڈردی اے





چوآں پاسے کرے انج جگمگ لوکو
 اگے ودھ کے دیکھے سارا جگ لوکو
 اچے تملیاں والے وی انج ڈھ گئے نیں
 پانی تے جیوں بہہ جاندی اے جھگ لوکو
 تہاڑے اپنے ای تے تہاڑے ویری نیں
 مدتوں توں ایسہ غیراں دے پچھ لگ لوکو
 دیکھ کے چلنا راہواں وچ نہ لٹ جانا
 تسی نہمانے دنیا ساری ٹھگ لوکو
 کون کسے دی بلدی اگ وچ بلدا اے
 ایتھے سبھ دی اپنی اپنی اگ لوکو
 جہدے وچ سبھ سڑ کے جھوٹھ سواہ ہووے
 کیسہ ہووے جے لگ جاوے اوہ اگ لوکو!
 تساں نیں آپ ای ایدھا وی نیاں کرنا اے
 پیراں وچ پئی رلدی اے اج پگ لوکو





جن پھپھیا وچ ہنیرے
 اسل بک بک اتھرو کیرے
 جہڑے خوش خوش خوش لگدے
 اوہناں دے درد ودھیرے
 اسی روشنیاں دے راکھے
 اوہ ونڈے پھرن ہنیرے
 کوئی دل جما پھل نہ لبھیا
 پھل وپجدے پھرن بھلیرے
 ترے نال بہاراں آیاں
 پھل کھڑ پئے چار چوہیرے
 گھر گھر کے بدلیاں آیاں
 جد وی توں وال کھلیرے
 ویلے نوں یاد رہون گے
 ایہہ ہاسے تیرے میرے
 اسل پیار دے دیوے بالے
 لش لش پئے کرن ہنیرے
 اسی اسماناں تے اڈیے
 ساڈے مان تران اچیرے





اسی لبھدے پھرے جمان وچوں
 سبھ کچھ ملیا انسان وچوں
 اسان اپنیاں جھولیاں بھر لیاں
 ایس دھرتی تے اسان وچوں
 دسو کس دا کیہ حصہ اے!
 ایہناں کھیتاں تے کھلیان وچوں
 لگیا ویری دے سینے وچ
 جد چھٹیا تیر کمان وچوں
 جے جیباں خالی ہوون تے
 ملدا ننیں کچھ دکان وچوں
 اوہ گل پرانی ہو جاندی
 جھڑی نکلی گل زبان وچوں
 اسان اڈن دے سو ول سکھے
 پنچھی دی اک اڈان وچوں
 اک رب دا ناں ای سچا اے
 جھڑا لو پیا دینداے جان وچوں





وسے باغ تے ہسن پھل ہزاراں
 بھنگڑا پاون وچ آ کے شیاراں
 توں جاویں تے نال ترے ٹر جاون
 توں آویں تے آون نال بہاراں
 ایس نوں سینے وچ نہ کیوں رکھ لئیے!
 دو گھڑیاں دی ایہہ دے صحبت یاراں
 ہیر کدو دی کھیڑیاں دے وس پے گئی
 کون سنے اج ونبھل دیاں پکاراں!
 سبجناں راہواں تکیاں عمراں ننکھیاں
 ساڈے ول وی کدے تے موڑ مہاراں
 بیٹھاں لہہ کے وی کدی تاں ویکھن
 اچیاں اچیاں نیں جہڑیاں سرکاراں
 سچی گل وی کاٹ اے بڑی اجوکھی
 لگدی اے سینے وچ وانگ کٹاراں

میرے سامنے لوکی ڈبے جانے
 کس کس دی میں کلا' بیڑی تاراں!
 جی کردا اے جگ نوں نال میں لے کے
 ویلے دے سبھ وگڑے کالج سنواراں
 جنہاں جندڑی دھرتی اتوں واری
 اوہناں توں میں اپنی جندڑی واراں
 کھیڈاں گا میں جیون دی ایسہ بازی
 بھاویں بازی جت جاواں یا ہاراں





تیرا ہانی اج وی تینوں بھلیا ننیں
 بھاویں، تیرے پیار دا بوبا کھلیا ننیں
 توں تے میری اکھ دا چونڑواں موتی ایں
 ایسہ دل میرا ہر کسے تے ڈھلیا ننیں
 اوہ موتی ہتھوں ہتھیں وک جاندا اے
 دل دا جہڑا موتی وی ان ملیا ننیں
 اوس اتھرو نیں مٹی دے وچ رل جانا
 جہڑا پلکاں اتے آ کے تلپا ننیں
 فیر کیوں سکے پتر اڈدے جاندے نیں
 ہالے پت جھڑ دا جھکھڑتے جھلیا ننیں
 اوہ رستہ منزل توڑی اپڑاندا کیسہ
 جہڑا رستہ پیراں تھلے رلیا ننیں
 اونہے کیسہ جتنی ایں کھیڈ جاتی دی
 جہڑا اپنے ویلے دے نال گھلیا ننیں
 وانگ پہاڑاں اوہ راکھا اے وطن دا
 جہڑا اپنی تھال توں ہلیا جلیا ننیں
 اپنی اگ وچ آپ ای بھدا رہنا وال
 تیرے وانگوں بجھنا، میں وی بھلیا ننیں





موسم نہیں ہار سنگھار دے
 دن آئے ساڈے پیار دے
 کھڑ کھڑ کے پھل پئے ہدے
 سبھ روپ نہیں پیار بہار دے
 میرے وی دل دے یار نہیں
 ایسہ سنگی بلی یار دے
 اوہ پاندے پیار بجھارتاں
 سانوں جھاکے دے کے مار دے
 سدھراں نوں دے تسلیاں
 جیوں بچیاں نوں چمکار دے
 جنہاں اپنا آپ پچھانیاں
 اوہ کدی نہ بازی ہار دے
 جھڑے مٹی دے وسنیک نہیں
 دھرتی دے لیکھ سنوار دے
 اسی تردے ست سمندراں
 اسی ڈبیاں بیڑیاں تار دے
 اوہو تے ججن بلی نہیں
 جھڑے ججن سبھ سنسار دے





اوہدے پچھے سبھ چلدے نیں جیدھے ہتھ نکیل
 اوکھے سوکھے سارے کھیڈن جیون دا ایسہ کھیل
 چلدیاں چلدیاں سارے اوکھے پینڈے وی مک جان
 چڑھدیاں چڑھدیاں چڑھ جاندی اے کوٹھیاں اتے بیل
 فجر ہووے تے ساریاں کلیاں کھڑکھڑ کے ہس پین
 بھاویں رو رو جان گواندی ساری رات تریل
 جے وچکار ہووے اوہناں دے سچے پیار دا پُل
 دوآں کناریاں دا وی اوڑک ہو جاندا اے میل
 توں اک ایسا پھل ایس جیدھا ناں ایس سدا بہار
 موسم موسم دے لشکارے موتیا، چنبا، روئل
 ہسداں کھیڈدیاں گزرے تے ایسہ دھرتی سورگ سماں
 دم گھٹ گھٹ کے جے کٹ جاوے تے دنیا وی جیل
 اک اک ٹیشن اتے مسافر لہندے چڑھدے جان
 اکو تھان تے کدی نہ رکدی ویلے دی ایسہ ریل
 آن شکاری جان شکاری ہس ہس کرن شکار
 گھگھیاں خیر مناوون اپنی ظالماں ہتھ گلیل
 جنگ دی آگ بھڑکاوے جیدھے کول ایٹم دی آگ
 سارے جگ دا مالک جیدھے پیراں بیٹھاں تیل





دسو کھڑے پاسے جاوے
 ٹٹیا ہويا لٹيا ہويا!
 خورے کون اٹھا لے جاوے!
 پھل راہواں وچ ٹٹیا ہويا
 کیویں اپنا آپ سنبھالے!
 اپنے ہتھوں لٹيا ہويا
 اج دا بندہ شیشے ورگا
 اندروں باہروں ٹٹیا ہويا
 دوجی واری لگ ننیں سکدا
 رکھ اک واری پٹیا ہويا
 بوٹا بن کے سر کڈھ لیندا
 بیج زویں توں پھٹیا ہويا





بن کے باغاں وچ پھل گئے آں
 پر کنڈیاں دے وچ رل گئے آں
 ویلے کولوں کیسہ ملنا سی
 سدھراں دی تکرری تل گئے آں
 اکھیاں چوں اتھرو بن بن کے
 جدوں چوٹ لگی اسی ڈھل گئے آں
 سبھ دے دل وچ ٹھنڈ پا دتی
 ٹھنڈیاں واواں بن جھل گئے آں
 پھل بن گئے نال بہاراں دے
 اک بھیت ساں کھل کے کھل گئے آں
 دریا دے وچ ہڑ آیا تے
 سبھ دے لئی بن کے پل گئے آں
 جہڑا سی پیار حیاتی وا
 اوہدے کول اسی بن مل گئے آں
 سبھاں دی اک اک گل دے وچ
 اسی مصری وانگوں گھل گئے آں
 اسی فیر وی اوہنوں بھلے ننیں
 بھاویں اپنے آپ نوں بھل گئے آں





دکھے دل دا حال سناواں تینوں
 کتھے ویں، میں کول بلاواں تینوں
 فر پچھاں کیہ گزری باج مرے توں
 پہلے اپنے نال بٹھاواں تینوں
 ملن دیاں نیں راہواں لکھ ہزاراں
 ملن دیاں جے ہوندیاں چاواں تینوں
 اپنی سرت تے ناں رہی تیرے باہجوں
 دس تاں سہی پر رکنج بھلاواں تینوں
 رسن والیا اج تک بھیت نہ کھلیا
 رُس جاویں تے کوں مناواں تینوں
 ایہہ وی کر تکیا پر ہو نہیں سکیا
 ڈھونڈ لیاون ہنجو ہاواں تینوں
 مینوں بھل کے وی توں ایہہ نہ سوچیں
 میں وی کدرے بھل نہ جاواں تینوں
 اپنے آپ توں دکھرا جان نہ بچاں
 کہندا اے تیرا پرچھاواں تینوں
 توں دھرتی دا پتر سبھ دا پتر
 لہدیاں پھردیاں سبھے ماواں تینوں





بھڑے موتی سدھراں پالے
 پئے رلدے آل دوالے
 اک پل دی وڈیائی لئی
 اسان لکھاں دکھڑے جالے
 جک دے لئی کھیڈ تماشا
 کہئے ویریاں بھانڑ بالے
 راہواں نیں کنڈیاں بھریاں
 پیراں دے پھٹ گئے چھالے
 سبھ دھرتی ڈولدی پئی اے
 اج اینوں کون سنبھالے!
 لیکھاں دا نتیں ایہہ لکھیا
 ایہہ سبھ ویلے دے چالے
 اندر دل جھاتی پائیے
 تے کچھ نتیں وگڑیا ہالے
 دل سوہنا تے سبھ سوہنے
 گورے ہوون یا کالے
 جنہاں مٹی سونا کیتی
 اوہ لوک نیں کرماں والے





اسی مونہوں کچھ وی بولدے نہیں اسی اندرو اندری سڑ گئے آں
 کدی کدی تے انج وی ہویا اے جنج اپنے کولوں ڈر گئے آں
 اسی جان دی بازی لان دیاں گلاں تے بڑیاں کردے ساں
 جد آیا وقت شہادت دا کیوں ڈر کے اندر وڑ گئے آں
 جدوں اپنے آپ توں شرم آئی جدوں ویلے نیں سانوں واج دتی
 اسی اپنی جان تے کھیڈ گئے، ہس ہس کے سولی چڑھ گئے آں
 ساڈا مان تران ای کم آیا ہاری ہوئی بازی جت لتی
 اسی خالی ہتھ تے ساں فیروی اسی ویریاں دے نال لڑ گئے آں
 اسی لشکری اوس دے موتی ساں انج عمر تے ساڈی تھوڑی سی
 پر جانڈیاں جانڈیاں وی بھلاں پھلاں تے موتی جڑ گئے آں
 اسان اپنی جان تے وار دتی پر ڈبدے بیڑے تار دتے
 اسی آپے ڈبدیاں ڈبدیاں وی کنے ڈبدیاں دے ہتھ پھڑ گئے آں
 ساڈے لو دی مہندی رانگی سی ووہٹی دا روپ نکھار گئی
 اسی نویں نویلی دھرتی تے کنیں ہیرے موتی مڑھ گئے آں
 جے علم دے نال نال عمل ہووے تے کجھ وی پلے پیندا نہیں
 بھے عالم فاضل کس سانوں اسی چار جماتاں پڑھ گئے آں
 اسان لکھاں کتاباں پڑھ لیاں فیروی جیویں انج لگدا اے
 اسی علم دے ایس سمندر وچ ان پڑھ آئے ان پڑھ گئے آں





مرے اتھرو ترے وصال دے نہیں
 ایسہ جگنو دیوے بالدے نہیں
 سبھ گزرے تیریاں یاداں وچ
 جنے دن وی ہر سال دے نہیں
 اوہناں بس خواباں وچ آنا
 جہڑے ججن خواب خیال دے نہیں
 اوہناں توں پچھو دکھ ساڈا
 جہڑے محرم ساڈے حال دے نہیں
 اسی اج دی گل دا پچھنے آں
 اوہ کل دی گل تے ٹالدے نہیں
 اسی جنی اگ بجھاؤنے آں
 اوہ اونے بھانبر بالدے نہیں
 اوہناں دے گھرتے چاندی اے
 جہڑے کارن ساڈے کل دے نہیں
 اوہناں دا سکھ وی دکھ جہڑے
 عمراں دے دکھڑے جالدے نہیں
 کجھ ہونا نتیں فیر وی لوکی
 سینے وچ سدھراں پالدے نہیں





اسے بھروسے تے دکھ دا موسم گزاریا اے
 بہار موسم نہیں آ کے مینوں نکھاریا اے
 کسے نہیں آ کے ایہناں نوں مڑ کے اجاڑ دتا
 اسل نہیں باغیاں نوں مل کے جد وی سنواریا اے
 اڈاریاں مار کے اوہ خورے گئے نہیں کتھے!
 کسے تے ویری نہیں پنچھیاں نوں اڈاریا اے!
 اوسے نوں ودھ کے تساں نہیں دکھ وی ودیک دتے
 اوہ جھڑا پہلے ای اپنے درداں دا ماریا اے
 اوہ اپنے نیویں ہلاریاں نوں وی جاندا اے
 اے وقت دی پینگ چڑھ کے جھڑا ہلا رہیا اے!
 سبھاں نہیں تکیا، جے کون جھوٹھا اے کون سچا
 جدوں کسے نہیں وی جھوٹھ سچ نوں نتاریا اے
 جیل اپنے ای کول آواز مڑ کے آئی
 گئے ہوئے بیلیاں نوں جد وی پکاریا اے





مہکی اے رات دی رانی
 کھندی اے پیار کہانی
 تینوں وی نال لیاوے
 جد آوے شام سہانی
 ترے پیار دا مکھن رڑکے
 چاٹی دے وچ مدھانی
 بچناں دے کول ای جاوے
 ایسہ چنی اڑ پڈ جانی
 ایسہ کدوں پرانی ہووے
 ایسہ پیار دی گل پرانی!
 ترے پیار دے موتی لبھے
 اسل جد وی چھانی چھانی
 تیرے لئی سے سے
 ایسہ اپنی جند نمائی

ق

توں دور گیا تے چناں
 اسل تیری قدر پچھانی
 توں گھر آیا تے ماہی
 اسل سکھ دی چادر تانی





رکھاں اتے ڈولن ساوے پتر
 ٹھنڈیاں پکھیاں جھولن ساوے پتر
 ایناں نال ای سانجھ اے ساڈے دل دی
 پیار دی بولی بولن ساوے پتر
 پھلاں نال وی رہ کے اپنی جند نوں
 کنڈیاں اتے تولن ساوے پتر
 دل دا بوٹا رہنا ہریا بھریا
 جد تک ساڈے کولن ساوے پتر
 ہسڈیاں ہسڈیاں شاخاں تے ٹسک گیاں
 بھیت نہ دل دا کھولن ساوے پتر
 پت جھڑ دے وچ پیراں ہیٹھاں آ کے
 اپنے آپ نوں رولن ساوے پتر
 ایناں دے نیڑے ہو کے جد بہے
 سارے دکھڑے پھولن ساوے پتر





نظراں توں دور سویرے نہیں
 ہر پاسے انج ہنیرے نہیں
 وسنیک نہیں اچیاں ماڑیاں دے
 ایسہ تیرے نہیں ناں میرے نہیں
 اوہ گل وی کردیاں تھکدے نہیں
 اوہناں دے مان ودھیرے نہیں
 اسی تیرے عاجز بندے آں
 پر ساڈے سر اچیرے نہیں
 ایہناں ساڈے ویڑے وناں نہیں
 بدل تے بڑے گھنیرے نہیں
 دل جوگی وانگوں پھردا اے
 تریاں گلیاں دے پھیرے نہیں
 ترے نال بہار دا موسم اے
 توں کلیاں پھل کھلیرے نہیں
 تیرے جیہا پھل نہ کوئی وی
 پئے وپچدے پھل پھلیرے نہیں
 چل توں وی چل جمیل اتھے
 جتھے سجاں دے ڈیرے نہیں





وگدیاں وگدیاں دلاں دی ندی سُک جاندی اے
 پیار نہ ہووے تے سبھ گل ای مک جاندی اے
 ووہٹی دا دل خوشیاں بھریا، دھک دھک کروا
 جد وی جنج کسے بوہے تے ڈھک جاندی اے
 اچی شنی پھل پوے تے شان نہ وسے
 نیویں ہو ہو جھکدیاں جھکدیاں جھک جاندی اے
 پیار دی اگ جیہدے تن لگے اوہو جانے
 ہولے ہولے جندڑی آپ ای پھک جاندی اے
 اپنی ذات دے نال ای جے کر سچ نہ بولو
 سچ دی گل وی اپنے کولوں لک جاندی اے
 چپ کر کے اوہ کوہلا نکڑے لگ جاندی اے
 چھپن چھوت سچ جیہدی واری چک جاندی اے
 گل کرن دا حق جمیل اوسے نوں پہلاں
 جیہدی گل وی سینے دے وچ ٹھک جاندی اے





اج اوہ میرے سامنے انج کھلو گئی اے
 مینوں اکھ سمندر وچ ڈبو گئی اے
 پھل کھڑیا انج اپنی پیار کہانی دا
 دور دور تک اڈ اڈ کے خشبو گئی اے
 چارے پاسے پیار نہیں چان کیتا اے
 ہر دل دے وچ کھلی کھلی لو گئی اے
 اپنے پھل نہیں کیدھے گل وچ پاواں میں
 سوہل جوانی کنے ہار پرو گئی اے
 ساری راتی اوس اکھاں چوں وسدی رہی
 نویں پرانے بھے داغ ای دھو گئی اے
 انج بہار میں اپنے پنکھ کھلارے نہیں
 اڈ کے ہر پاسے ایدھی کنسو گئی اے
 میں ہن کنناں کل مکلا لگناں واں
 ہن تے تیری یاد وی کدرے کھو گئی اے
 لو لہان اے ساری دھرتی، تتی ریت
 اپنے کنڈے پیراں بیٹھ چھو گئی اے
 اپنے سوہنے موسم وچ وی اج جمیل
 چپ کیوں اس توں کوئی گل تے ہو گئی اے!





کھیڑ دیاں تے ہس دیاں بالاں وانگوں
 تیریاں سوچاں مرے خیالاں وانگوں
 کنیاں سدھراں نیں ایہناں دیاں قیدی
 کھلے ہوئے نیں تارے جالاں وانگوں
 پل پل میرا سینہ پیچھدیاں جاوے
 یاداں تیریاں تیز کدالاں وانگوں
 تک تک میں وی سڑوا بلدا رہناں
 حال اپنا لوکاں دے حالاں وانگوں
 لکھ جواب میں دے دے وی نہ تھکاں
 جندڑی اے بے انت سوالاں وانگوں
 چپ چپیتے لنگ جاندی اے کولوں
 عمر حیاتی ورہیاں سالاں وانگوں
 چلدیاں چلدیاں تھک جاندے نیں سارے
 کون چلے ویلے دیاں چالاں وانگوں
 وانگ جوانی چڑھدیاں ای لہ جاوے
 چھلاں وی نیں تیریاں چھالاں وانگوں
 میں وی اوہدے نال ای گدا پاواں
 دل وچ نچدا کوئی دھالاں وانگوں





مینوں مار مکایا مرے شریکاں
 اسماناں تے گیتاں میریاں چیکاں
 ساڈا حق وی سانوں انج پئے دیون
 جیکن ساڈے پلے پاون بھیکاں
 ساڈا جرم نہ کوئی سانوں دسدا
 روز پکھری دے وچ پین تریکاں
 فیر وی اوہدے ول کیوں تکدے رہئے
 جنہیں ساڈے ناں نوں لائیاں لیکاں
 اتھے مری اڈیک دا انت نہ کوئی
 ساری عمرے خورے کنہوں اڈیکاں!
 تیرے ہجر دا اک اک دن گزاراں
 کندھیاں اتے گن گن پاواں لیکاں
 کیوں نہ ودھ کے ایہناں دا سر بھناں!
 نیڑے آن بلاواں تے کیوں چیکاں!





ساڈے چار چفیرے لبو اگ دے نیں
 نالو نال ای ہاسے ویری جگ دے نیں
 جنہاں پچھے جان گوائی، سر دتے
 اوہو آکھن ایہہ ساڈے کیہہ لگدے نیں
 جہڑا سبھ دنیا نوں ٹھکدا پھردا اے
 ایہہ پچھ لگ وی سارے اوسے ٹھگ دے نیں
 تھوڑی دیر نوں پانی وچ بہہ جاوے گے
 ویریاں دے جتے صابن دی جھگ دے نیں
 اوہناں آپے پیراں وچ رل جاناں اے
 جہڑے دشمن میری اچی پگ دے نیں
 جنہاں راہواں تے توں چل کے آؤناں سیں
 اوہناں تے ہن پیار دے جتے وگدے نیں
 اکھاں ترس گیاں سن ساڈیاں جیدھے لئی
 ایہہ لشکارے تے اوسے جگمگ دے نیں





کئی سوہنی رت بہار دی اے
 اج سنگت سوئے یار دی اے
 جیدھے ول کھچیا جانا واں
 اوہ خشبو تے دلدار دی اے
 اسل اپنے آپ نوں پیش کیتا
 ہن جو مرضی سرکار دی اے
 ناں اچا سدا محبت دا
 ایسہ وگڑے کم سنوار دی اے
 سوہنی جند اپنی روہڑ دتی
 پر ڈبدے بیڑے تاردی اے
 دنیا دے دو ای پاسے نیں
 گل جت دی اے یا ہار دی اے
 سبھ دے لئے ہاسا بن گئے آں
 سبھ خلقت طعنے مار دی اے
 دلاں دے سودے ہور نیں کجھ
 پر ایسہ دنیا بیوپار دی اے
 توں کتھے چھپ کے بیٹھا ایں!
 مینوں تاہنگ ترے دیدار دی اے





چلدیاں چلدیاں رک جاوے گی چلدی ہوئی ہوا وی کیہ اے!
 کٹدیاں کٹدیاں کٹ جاوے گی انت حیاتی دا وی کیہ اے!
 جد تائیں اتھے جیوندیاں رہناں بس ساہواں نوں گندیاں رہناں
 تیرے بندیاں دی جگ وچ اپنی وڈی سزا وی کیہ اے!
 اندروں باہروں مڑ مڑ تکیا دوواں دا کجھ سرا نہ ملیا
 بندہ تے آخر بندہ اے سر دے اتے خدا وی کیہ اے!
 اوہناں دے جو دل وچ آیا، اوہناں نیں اوہ ظلم کھلیا
 ساڈا کجھ وی وس نہ چلیا ساڈی ہور خطا وی کیہ اے!
 شالا سدا جوانیاں ماڑن جگ وچ اچے جھنڈے گاڑن
 ماواں دی پتراں لئی ایس توں ودھ کے ہور دعا وی کیہ اے!
 سبھ کجھ مک جاندا اے پر پھیائی دا ایہہ ناں نتیں مکدا
 مر کے وی ایہہ جیوندی رہندی تیری مری وفا وی کیہ اے!
 ساری حیاتی جاگدے رہے سبھے بھیت سمجھ آ جاوَن
 اکو رات دی ساڈی عبادت دا ایہہ جگراتا وی کیہ اے!





تیری نہ دادِ دل وچ سل اے
 توں کہنا ایں کھڑی گل اے!
 کرنی دا ای نال ایں بھرنا
 جو بویا سی اوہدا پھل اے
 کیوں نہ جیویئے جیون وانگوں
 پھل حیاتی پل دو پل اے
 جو ہونا ایں ہو کے رہی
 چارے پاسے ای تھرتھل اے
 باہر وی اک کربل بلدی
 سینے وچ وی اک کربل اے
 اکو جیہا زمانہ اتھے
 کل دی اج اے، اج دی کل اے
 ویکھیں اپنی چال نہ بھلیں
 وقت سنہڑا، چل سو چل اے
 کھیت وی اوہدا پھل وی اوہدا
 جدھے موہنڈے اتے ہل اے
 اک جمیل اے کل مکلا
 ساری دنیا دشمن ول اے





ساریاں شکلاں پیاریاں کولوں
 کیہ لبھیا اے یاریاں کولوں
 اپنے جال دے وچ پھس گئے آں
 چدے پھرے شکاریاں کولوں
 اینہاں دا کم کھیڈ تماشا
 منگ نہ کجھ مداریاں کولوں
 سپاں دی شوکر ملنی ایس
 دھوکے باز پٹاریاں کولوں
 کوئی سودا نقد وی کر لے
 ساریاں گلاں ادھاریاں کولوں
 اتھے کسے وی کجھ نہیں پایا
 اپنی اپنی واریاں کولوں
 اپنا حق گج وچ کے منگئے
 روز روز دی خواریاں کولوں
 پیار دی سدھر سبھ توں چنگی
 باقی سدھراں ساریاں کولوں
 آ، اسی وی اڈنا سکھئے
 پکھرو آں نال، اڈاریاں کولوں





ہر واری رنگاں وچ پندیاں بھنگاں
 میں ہن تینوں کھڑے رنگ وچ رنگاں
 تیرے نال ای اپنا جیونا مرناں
 نت دہاڑے تیریاں خیراں منگاں
 رانجھا کیویں ویڑے وچ آ ڈھکیا!
 ہیر سیال تے رہندی سی وچ جھنگاں
 اپنیاں گلاں نال ای ڈنگدا جاوے
 مار مکایا سانوں اوہدیاں ڈنگاں
 سانوں کوئی گل اجوکھی کہہ گئے
 جد وی پھیرا پیا مست ملنگاں
 ڈور ذرا وی تیز ہوئی تے بھناں
 کٹ جاواں گا میں وی وانگ پتنگاں
 امن دی بھیک نہ کوئی جھولی پاندا
 چھڑ پیاں نہیں سارے پاسے جنگاں
 اسی جمیل کدوں سوہنے ساں پہلے
 سانوں سوہنا کیتا اوہدے سنگاں





جہڑی مینوں رج کے جان دی اے
 اوہ کڑی تے میرے ہان دی اے
 میں اوس دی قیمت جاننا واں
 اوہ میری قدر پچھان دی اے
 اوہ نیندر پیار سہاگ دی اے
 جہڑی سکھ دی چدر تان دی اے
 جہڑی سدھر دل وچ پلدی اے
 اوہ سدا جوانیاں مان دی اے
 مجنوں جنگل وچ کلا نتیں
 لیل دی ریت نوں چھان دی اے
 خورے کیوں ہن تک آیا نتیں
 اج خبر تے اوہدے آن دی اے
 ایسہ دل جمیل دا چیر گئی
 ایسہ واج تے اوہدے گان دی اے





میرا ویر اے، اوہ میرا ماں جلیا اے
 میں ڈبدی نوں جنہیں بنے لایا اے
 نیڑے بہہ کے رج کے گلاں کر لیئے
 بہتا چر دوری کنال ترسلیا اے
 دھرتی دے سینے وچ ٹھنڈ پے جاوے گی
 ڈاڈھی پیاس اے آس دا بدل چھایا اے
 دور وسندے ویری دا ہن رونا کیہ
 میرا دشمن تے میرا ہمسایا اے
 اگے ودھ کے اوہوں سینے لا تا
 جنہیں اپنے پیار دا ہتھ ودھایا اے
 کلا ہو کے وی میں ایناں کلا نتیں
 میرے نالو نال ای میرا سلیا اے
 مکدیاں مکدیاں مک گئی گل حیاتی دی
 آیا اے پر کنی دیر نوں آیا اے!





سارے دکھڑے ای سانون بھل جاون گے
 آون والے آخر ہک دن آون گے
 عمریں دے لئی اوہ اتھتھے وس جاون گے
 ساڈے دل دی سنجی جھوک وساون گے
 اوہناں دی سوچاں وچ ستے خیراں نیں
 اپنے نال ای ساڈی خیر مناون گے
 اکھاں اکھاں وچ اسوں بجھ لینی اس
 کد تک اپنے پیار دی گل لکاون گے!
 خالی ہتھ تے کدی وی سجنوں آؤنا نہیں
 کجھ نہ کجھ تے ساڈی جھولی پاون گے
 جہڑا ساڈے کولوں سانھیا جانا نہیں
 اپنے دل وچ ایناں پیار لیاون گے
 ویلا کدے جمیل اوہ وی آ جانا اس
 دل دے جانی ہن نچن گاون گے





جس نوں دیکھو اوہو ای منہ زور اتھے
 کم دیاں گلاں گھٹ نیں بہتا شور اتھے
 ایس دا اکلاپا وی کنناں سوہنا ایس
 دل دے جنگل دے وچ نجدہ مور اتھے
 اپنے آپ نوں ای میں تکتا رہنا واں
 میرے جیہا نہیں کوئی مورکھ ہور اتھے
 اوس توں پچھو چن کدی ہتھ آیا وی!
 چھلاں وانگوں اڈا پھرے چکور اتھے
 شام ہوئی تے ایہو کنناں پرانا سی
 سرگی ویلے پھل سی نواں نکور اتھے
 خشبو کندھاں ٹپ کے باہر جاندی نہیں
 پھل گلاب دے گھٹ نیں بہتے تھور اتھے
 راتو رات ای سبھ کجھ لٹ پٹ لیندے نیں
 بوہا بوہا تکتے پھرے چور اتھے
 آنے والے ساہ دا کوئی بھروسہ نہیں
 ہر کسے نوں پئی اڈیکے گور اتھے
 پکڑے کون سبھاں دے دل دا چور جیل
 ”پکڑو پکڑو چور نوں“ ایہو شور اتھے





چپ چیتے تکی رہی اوہ مونہوں کجھ نہ بولی
 میں جیدھے راہواں وچ اپنی سدھر سدھر رولی
 رانجھے دی ونبھلی دی کوکر اوہدے کم نہ آئی
 کھیڑیاں نیں اوہ ظلم مکلیا، ہیر وی چڑھ گئی ڈولی
 تیرے ملن دا کوئی موتی اپنے ہتھ نہ آیا
 سدا وچھوڑے والی اساں اتھتھے ریت پھرولی
 دوہاں پاسے دی چپ نیں دوہاں نوں مار مکلیا
 دل دی دل وچ رہ گئی دل دی گل کسے نہ کھولی
 اج وی لیلیا اپنے مجنوں نوں پہچان نہ سکی
 ودھ کے خیر نہ پایا رہ گئی خالی قیس دی جھولی
 پھیائی دی گل وی اج تے منہ منہ آ کے رکدی
 بولن توں پہلاں کیوں اساں گل لباں تے تولی!
 زہر تے زہر سی اوہنے اپنا کم جمیل وکھایا
 پین توں پہلاں بھاویں اساں زہر چ شکر گھولی





ساری راتی شبنم روئی
 تدے سویرے سی نوں نروئی
 میں جاگاں تیری رہ تگاں
 بجاں آ جا لوئی لوئی
 کچ کنواریاں ایدھیاں سدھراں
 ووہٹی سوہنی تے ان چھوئی
 تیرے باج تے انج لگدا اے
 جیویں میں موئی کے موئی
 پھلاں دے نال عشق کمایا
 کنڈیاں دے نال جند پروئی
 تیرا پیار مینوں ملیا سی
 بھل بیٹھی، ایسہ دولت کھوئی
 اوہو کجھ کٹیا وی اوہنے
 جنہیں جہڑی فصل سی بوئی





سچ دا سورج نئیں دو پل دا سورج
 نئیں بجھنا ایہہ پھلدا پھلدا سورج
 اج تک ایس دی آگ نہ ٹھنڈی ہوئی
 خورے کیدھی آگ وچ بلدا سورج!
 دنیا دے دوجے پاسے جا لکے
 ساڈے پاسے توں ایہہ ڈھلدا سورج
 ساڈے کول ہیرے نئیں آ سکدے
 ساڈے ہتھ وچ اج تے کل دا سورج
 نہیریاں دے نال اکھ مچولی کردا
 نہیریاں دے وچ رہ کے پلدا سورج
 اک دن ساڈے گھر وچ وی اڑے گا
 ازلاں توں ایہہ چلدا چلدا سورج
 سورج تے وے ساڈا یار پرانا
 ساڈے دل نوں کدے نہ کھلدا سورج





تیرے نال ای اڈ پڑ گئیاں تیریاں گلاں باتاں
 توں آیا ناں مڑ کے آیاں عیداں تے شہراتاں
 تیرا کوئی پیار سنوڑا خورے کیوں نہیں آیا!
 انج تے گج وچ کے وسیاں نیں اکھاں تے برساتاں
 رات وی بیتی سرگی وی ووہٹی نے گھنڈ نہ چکیا
 کھڑے بوہے جا ڈکیاں نیں تاریاں دیاں براتاں!
 اتھے ہار وی جت ہوئی اے اتھے جت وی ہار اے
 اکو پلڑے وچ تل گئیاں کیہہ جتاں کیہہ ماتاں
 ڈر لگدا اے کوئی اچکا لٹ کے لے نہ جاوے
 اپنے دل وچ سانہج کے رکھیاں تیریاں پیار سوغاتاں
 لکھ دا سیں توں تینوں پیار نیں کئے لکھ دا کیتا
 دیکھیں کدرے بھل نہ جاویں اپنیاں اوہ اوقاتاں!
 اکھر لکھدیاں گئی حیاتی اپنی جان وی واری
 سکیاں نہیں کدرے وی ساڈے دل دیاں قلم دواتاں





ویلے دی اٹھدی لہر سی!
 اوہ ہڑ سی یا اوہ قہر سی!
 اکلاپا سی ہر ویہڑے وچ
 درداں دا وسدا شہر سی
 ترہائے سارے لوک سن
 بلدی ہوئی دوپہر سی
 منگیاں نہ لہھی موت وی
 جینا وی اتھے قہر سی
 اوہ آپ قیامت سی اوہدی
 گلاں دے وچ وی زہر سی
 ہن تے اک چپ گھنیری اے
 کہندے نیں اتھے شہر سی
 میں ڈبدا تروا رہندا ساں
 دل سی یا کوئی بحر سی!





یاد آئی، جندڑی ڈول گئی
 اکھیاں وچ موتی رول گئی
 مرا اوہدے باج گزارا نہیں
 ہر سدھر مونہوں بول گئی
 اوہنے ساڈی قدر پچھانی نہیں
 مٹی وچ موتی رول گئی
 اک چپ نے وی اوہ گل کیتی
 سبھ بھیت دلاں دے کھول گئی
 اسی پھل ساں دنیا ایسے لئی
 کندیاں تے سانوں رول گئی
 راہواں دے وچ لٹیرے سن
 اک جندڑی سی انمول، گئی
 جہڑی چیز جمیل ساڈی سی
 ہن خورے کیدھے کول گئی





بے درداں دی ایس نگری وچ کھڑے پاسے جائیے!
 جھڑے پاسے جائیے اوتھے اپنا آپ گنوائیے
 سبھ نوں اپنیاں اپنیاں فکراں اپنیاں اپنیاں لوڑاں
 کون سنے گا کس نوں اپنے دل دا حال سنائیے!
 اوناں ای اپنے ہتھاں نوں دور اوہ کچھدے جاندے
 جنہاں اپنے ولوں چپے پیار دا ہتھ ودھائیے
 بھار اے ایناں پکدے پکدے کمر اں وی جھک گیاں
 جیوندے رہے پر جیوندی جی کناں بھار اٹھائیے!
 کدے کدے تے دل چاہندا اے دل کڈھ کے رکھ دیے
 آپ وی رویے یاراں نوں وی اپنے نال روایے
 ہو سکدا اے اک دن ایسہ کنڈے وی پھل بن جاوے
 پھل نہیں ملدے تے کنڈے ای اپنی جھولی پائیے
 خورے ہیر کوئی خود چل کے ساڈے کول آ جاوے
 جوگی بن کے بہہ جائیے تے پیار دی دھونی لائیے
 رب توں منگئے ویریاں کولوں کیدھے لئی کجھ منگئے!
 اپنے ہتھوں ای کیوں اپنے دل دی قدر گھٹائیے!
 اتھے اکو وار دا پھیرا دوجی وار نہ آنا
 نیکی وی کر جائیے کوئی کیوں ایسہ پاپ کمائیے!





سانوں اج تک کجھ ملیا نئیں ایس دل جئے خانہ خراب کولوں
 جد تک ساہ آوندے جاندے نیں جند چھٹنی نئیں عذاب کولوں
 خورے اج کیہہ کجھ ورتی اے ایدھے تے رنگ وی اڑ گئے نیں
 اسی پیار دی خشبو لبھنے آں ہسدے ہوئے پھل گلاب کولوں
 ساڈے دل دا ہور سوال سی کجھ توں سمجھیا اے کجھ ہور پنال
 دل شیشہ چورو چور ہویا تیرے رُکھے جئے جواب کولوں
 جہڑے پیار کسے نوں کردے نیں اوہ رکھدے نئیں حساب کوئی
 جے دل دے نال اے دل سبھاں کیہہ لبھناں فیر حساب کولوں
 پر ایس دا مطلب ایہہ تے نئیں اسی خواب ای ویکھنا چھوڑ دیئے
 ایہہ گل وی سچ اے ملیا نئیں کجھ کسے وی سوہنے خواب کولوں
 اوہ وی نیں سبھ کجھ پڑھ کے وی جنہاں نوں لکھ وی ملدا نئیں
 اسل ورکا ورکا پھول دتا اک ملیا رب کتاب کولوں
 بھاویں لکھ دعاواں منگ لیئے سبھ گل سوہنی پیمائی دی
 جے نیت ٹھیک نہ ہووے تے کجھ لبھدا نئیں ثواب کولوں





اوہنے ڈاڈا روگ لگایا مینوں
 جیوندے جی کنڈیاں تے پایا مینوں
 نر کنارے میری پیاس ودھا کے
 ماریا اوہنے کیوں ترہایا مینوں
 میں محرم ساں بن کے میرا پردہ
 میرے کولوں آپ لکایا مینوں
 مٹھے مٹھے خواہاں دے وچ آ کے
 سرگی ویلے آن جگایا مینوں
 میں سبھے لوکاں دا دردی ہويا
 اپنا لگیا درد پرایا مینوں
 مری حیاتی دا اوہ وے سرتاواں
 خورے کیوں ایناں ترٹایا مینوں!
 اکھاں دے وچ اتھرو آ جاندے نیں
 یاد جد آوے اوہ ماں جایا مینوں
 پیار دی خشبو اڈ کے دل وچ وس گئی
 دور توں اوہنیں پھل وکھایا مینوں
 میں تے رانجھے دی ونبھلی دا سُر ساں
 کون سی جنہیں ہیر بنایا مینوں!





اوہ وی دن سن دوویں رل مل بہندے ساں
 چپ وی رہندے ساں تے کیہہ کجھ کہندے ساں
 ساڈے پیار دا انت نئیں سی کوئی وی
 وانگ پتنگاں اک دوجے تے ڈھیندے ساں
 اک دوجے دا ساتھ سہارا بہتا سی
 دکھاں درواں وچ وی ہسے رہندے ساں
 ساڈے پیار دے جگنو لش لش کردے سن
 جد ساون دے اتھرو بن کے بہندے ساں
 ساڈا پیار ای جندڑی دا سرناواں سی
 اکھاں دے وچ وسدے دل وچ رہندے ساں
 ایناں مان سی سانوں پیار دے بولاں تے
 پتھر جئی گل پھل سمجھ کے سہندے ساں
 پیار دھنک دے رنگ تے ساڈے دل وچ سن
 امبراں نوں رنگن لئی چڑھدے لہندے ساں
 پیار سفر تے کدے وی کھوٹا کیتا نئیں
 چلدیاں چلدیاں کدوں کسے نال کہندے ساں!
 جندڑی اتے ساڈا مان ودھیرا سی
 موت دے کولوں کدوں جمیل ترہندے ساں





کچھ وی کم نہ آن دعاواں میریاں
 ودھ ودھ جاوَن ہور سزاواں میریاں
 دنیا والے پیار بھروسہ کر لیندے
 جے توں رکھدا یاد وفاواں میریاں
 جے توں سچے دل نال مینوں پیار کریں
 ہو جاوَن سبھ دور بلاواں میریاں
 اپنیاں اپنیاں راہواں تے سبھ ٹر گئے نیں
 سنیاں نئیں کچھ بھین بھراواں میریاں
 میری لمی عمر وی تینوں لگ جاوے
 جے تینوں لگ جان دعاواں میریاں
 مینوں ویکھناں نیں تے اوہنوں ویکھ لو
 اوہدے کول نیں سبھ اداواں میریاں
 جس دا دل وی چاہوے آ کے بہہ جاوے
 ہن تے ہر پاسے نیں چھاواں میریاں
 میں اک پیار دا شہر جمیل وسایا اے
 چار چغیرے وگدیاں واواں میریاں





دل ڈبے ترے نیں ڈوہنگیاں راتاں وچ
 شوہ دریا نیں ساڈیاں گلاں باتاں وچ
 کیسہ کیسہ تحفے سالگرہ تے آئے نیں
 دل وی کنے نیں ایہناں سوغاتاں وچ!
 کل دے ہاں آج دے اتھرو بن گئے نیں
 کیسہ کجھ لبھدا پھرنا واں برساتاں وچ!
 کسے دے نال کسے دا دل وی ملدا نہیں
 پئے بھلیکھے اچیاں نیویاں ذاتاں وچ
 حرفاں وچوں روشنی پھٹدی رہندی اے
 بہتی رشنائی اے قلم دواتاں وچ





کنڈیاں تے جندڑی تولاں
 خشبو دیاں پکھیاں جھولاں
 جد یاد بہار دی آوے
 میں نال ہوا دے ڈولاں
 توں ووہٹی بن کے آویں
 تے میں تیرا گھنڈ کھولاں
 تری ہر گل میرے دل دی
 ترے سامنے میں کیہ بولاں!
 دھڑکن دھڑکن وچ وساں
 میں بھیت دلاں دے کھولاں
 دل جے موتی نہیں لبھدے
 کاہنوں میں ریت پھرولاں!
 ہوراں دے روگ نیں بوہتے
 کیہ اپنے دکھڑے پھولاں!
 توں میرے کولوں لنگھیں
 تے تیرے نال میں ہو لاں
 اکھر نیں مکھن ورگے
 لوہو وچ جند مدھولاں





بدل آیا بھریا ہویا
 دل دا بوٹا ہریا ہویا
 جے کوئی عیسیٰ مل جاوے تے
 جی پیندا اے مریا ہویا
 تینوں روز ای واجاں مارے
 دل، چوکھٹ تے دھریا ہویا
 ویکھیں کدرے روہڑ نہ دیویں
 پیار پیالہ بھریا ہویا
 ساری دنیا کولوں ڈردا
 اپنے کولوں ڈریا ہویا
 جذبے دی گرمی اپنی اس
 آگو آگ اے ٹھریا ہویا
 ہن تے دکھ وی اے سکھ ورگا
 ہر دکھڑا اے جریا ہویا
 جتن والیو ایہ نہ بھلو
 جت وی جانداے ہریا ہویا





آساں لے کے تیرے بوہے آئے آں
 خورے کنیاں صدیاں دے ترہائے آں
 اک دوجے دی خیر خبر وی لیندے نہیں
 ویکھن نوں کنے بیچھے ہمسائے آں
 خون دی کھچ وی خورے کتھے لٹ گئی اے
 انج تے کھندے آں سبھ ماں پیو جائے آں
 بھل گئے آں ہن جان پچھان وی صدیاں دی
 بندے آں یا چلدے پھردے سائے آں
 سورج دی دھپ کھا گئی شہراں پنڈاں نوں
 شام ہون توں پہلاں ای کملائے آں
 رہ بھلے لوکی ایہہ پیچھدے پھردے نہیں
 کون آں اسی کھڑے دیس توں آئے آں!
 دین نوں کول جمیل کرایہ کتھے وے
 بندھ پے گئے آں ہن تے آپ کرائے آں





جھڑا تیرے دل وچ چور سی
 اوہ میں ساں یا کوئی ہور سی
 اج جنگل دے وچ منگل نہیں
 کل جنگل دے وچ مور سی
 دوویں ای اک مک ہو گئے سن
 ڈبیا تے چن چکور سی
 ڈردا نہیں سی طوفاناں توں
 کجھ دل ایناں منہ زور سی
 کوئی گل وی پلے کیہہ پیندی
 ہر پاسے بوہتا شور سی
 جھڑا بادشہواں دا بادشہ سی
 اوہدا انت وی اوڑک گور سی
 اج خورے جمیل نوں کیہہ ہویا
 ایہہ پھل تے نواں نکور سی





ناں چکے تاں وی مرنے آں
 مونڈھے اتے پنڈ پے گئی اے
 اوہناں وسدے شہر اجاڑے نیں
 چارے پاسے ڈنڈ پے گئی اے
 ایسہ چیز تے ونڈن جوگی نہیں
 کیوں زخماں دی ونڈھ پے گئی اے
 ایہنوں کھولو پیار دے نال لوکو
 دل دل دے وچ گنڈھ پے گئی اے
 انج جھما پا کے ملیا ایں
 سینے دے وچ ٹھنڈ پے گئی اے
 ایسہ دیس اے مٹھری بولی دا
 مونہاں اندر کھنڈ پے گئی اے





سکے رُکھ دے وانگوں سکدا جانا واں
 لوکی کھندے نیں میں مکدا جانا واں
 کھڑی اگ سینے وچ دھندی رہندی اے
 چپ چپ اندروں اندریں جھکدا جانا واں
 گزرے ویلیاں دے پرچھانویں میرے نال
 چلدیاں چلدیاں تھال تھال رکدا جانا واں
 انج لگدا اے میں لاہڑا واں گھر گھر دا
 بوہے بوہے اتے ڈھکدا جانا واں
 ٹھنی ٹھنی تے بوہتے پھل آئے نیں
 ایسے کارن جھکدا جھکدا جانا واں





اتھے ای پلایاں نیں سدھراں ساریاں
 بابلا کھلے رکھیں بوہے باریاں
 ماپے چھڈ کے ٹڑیاں اج ماہی دے نال
 انج لگدا اے جتی بازی ہاریاں
 گھر غریب دے کوئی وی جنج نہیں ڈھکدی
 رو رو سوچن کنیاں کچ کنواریاں
 کس ویری نیں گھرے ایہناں دے چک لے!
 مڑ آیاں کیوں خالی ہتھ پنہاریاں!
 رٹھ کے جاون والے مڑ کے تکیا نہیں
 کیسہ دساں میں کنیاں واجاں ماریاں!
 ڈبن دا ویلا آیا تے خورے کیوں!
 بھل گیاں یاراں نوں سبھے تاریاں
 قید عجب اے مرن توں پہلاں مکدی نہیں
 ہرٹے پاسے جائے چار دیواریاں
 ایس چمن دی کھیڈ اے ساری دو دن دی
 اڈ پڈ گئے سبھے پنچھی مار اڈاریاں
 بجنال دے لئی جان وی دینی پیندی اے
 ایویں تے نہیں نہدیاں لمیاں یاریاں





ارماں جھڑے دلاں دے اندر سکدے نیں
 شعر بنن تے بازاراں وچ وکدے نیں
 تخت ہوا تے تیرے کول میں آ جاناں
 معجزے سارے سچے پیار دی چھک دے نیں
 جذبے شوخ نیں اک الہر ثیار وانگوں
 تھاں تھاں نجدے اکو جا کد سکدے نیں!
 اسمان تے پیار دھنک وچ ویکھو تے
 کیہ کیہ رنگ ارماناں دی اک مک دے نیں
 کنڈھ دے اتے کوئی زخم وی کھلدا نہیں
 سارے زخم ای سبناں اپنی ہک دے نیں





دکھڑے کنے تیرے باج جرے نیں سبناں
 فیروی کد ارمان اے دل دے مرے نیں سبناں
 پاسے دا سونا ایہناں وچ ڈھلکاں مارے
 سارے اپنے جذبے کھرے کھرے نیں سبناں
 پیار دی لو بتیاں دے اندر جگمگ کردی
 سدھراں نال میں سارے تھال بھرے نیں سبناں
 جہڑے پیار دے بلغ بلیچے وچ لائے سن
 اج وی اوہ سارے گل بوٹے ہرے نیں سبناں
 گزرے دن اج وی ساہواں وچ آون جاون
 اکھیاں وچ دسدے نیں کد اوہ پرے نیں سبناں
 لش لش کردے دیوے آساں پیاساں والے
 ہتھال ہتھال اتے اج وی دھرے نیں سبناں
 سچے پیار دی ہار نوں کدے وی ہار نہ آکھیں
 اوہو تے جتے نیں جہڑے ہرے نیں سبناں





سدا غریباں دی زندگی اے عذاب اتھے
 نکیلے کنڈیاں تے تل گئے نیں گلاب اتھے
 نراس چہرے نیں، ٹوٹے ٹوٹے نیں سارے شیشے
 سراب اکھیاں چ ریت وانگوں نیں خواب اتھے
 کسے نیں سچ بولیا تے بھانڑ کچھ ہور پچھا
 ہوا دی سولی تے چڑھ گئی اے کتاب اتھے
 اتھے نیں محتاج فیصلے وی ضرورتاں دے
 نیں تکرریاں تے گنہ وی سارے ثواب اتھے
 کناں تے جھپے دلاں تے مہراں لبیاں تے پہرے
 سوال کلہدے تے کون دیوے جواب اتھے
 امیر لوکاں دی ماڑیاں اچیاں اچیاں لمیاں
 فقیر لوکاں دے سار جھگے خراب اتھے
 سمندراں نیں وی رت نچوڑی اے آدمی دی
 لہو دے سورج تے خون دے ماہتاب اتھے
 نہ سوہنی ایدھر نہ اج کوئی مانیوال اودھر
 مجتہاں نوں پکاردا اے چناب اتھے
 سدا نہ رہی جمیل ایسہ جھوٹھ سچ دی یاری
 کدی تے ہووے گا جھوٹھ سچ دا حساب اتھے





سچ توں میں انکار کراں تے کیویں!
 جھوٹھ دا کاروبار کراں تے کیویں!
 کدرے دل دی لے کے وپیج نہ دیویں
 تیرے تے اتار کراں تے کیویں!
 اندروں جد میرا دل ای نہ منے
 پیار دا میں اقرار کراں تے کیویں!
 پیار دلار دا شیشہ جے نہ ہووے
 فیر میں ہار شکار کراں تے کیویں!
 جے اودھر مہینوال نہ کوئی ہووے
 دل دریا میں پار کراں تے کیویں!
 اندروں اندروں ہور اے باہروں ہور اے
 اوہنوں دل دا یار کراں تے کیویں!
 چور وی مور اے، مور وی چور اے اتھے
 لوکل نوں ہشیار کراں تے کیویں!





ہنجو ہاسے پیارے پیارے بجنوں دے نال
 اپنے دکھ سکھ نہیں سارے بجنوں دے نال
 نالو نال اے ساڈا جینا مرنا وی
 جتیاں بازیاں وی ہارے بجنوں دے نال
 ایسہ نہ سوچیا خاک سواہ ہو جاواں گے
 پھک لئے کئے انگیارے بجنوں دے نال
 دل تے ڈگدا چاپدا اے خالی اسمان
 رُ گئے نہیں سبھ چن تارے بجنوں دے نال
 جان وی دے کے اک واری فیر جی پئے نہیں
 سارے دردوں دے مارے بجنوں دے نال
 سانوں فیر ایسہ لٹ کے ای نال لے جاوے
 پھروے نہیں پئے ونجارے بجنوں دے نال
 عمراں بعد وی یاری یار نبھاوے نہ
 ساڈی یاری کس کارے بجنوں دے نال!





جتن والے تخت دے اتے بہہ گئے نیں
 ہارن والے بٹ بٹ تکدے رہ گئے نیں
 اکھاں وچوں ٹپ ٹپ اتھرو بہہ گئے نیں
 دل درداں دی پیار کہانی کہہ گئے نیں
 راہواں وچ بیٹھے نیں ایہناں کیہہ منگناں
 دل درویشاں نال اوہ کاہنوں کھیہہ گئے نیں
 سچ نوں جھوٹھ نہ ثابت کر سکدا کوئی
 سچ تے سچ اے لوک سیانے کہہ گئے نیں
 لوکاں دے دردی نوں سولی چاڑھ دتا
 زخم تے کاری سی پر لوکی سہہ گئے نیں
 شاہواں دی شہی تے اج وی باقی اے
 اچے اچے محل منارے کہہ گئے نیں
 جہڑے اندروں ہورتے باہروں ہور نیں کجھ
 سچ پچھو تے اوہ سبھ دل توں لہہ گئے نیں
 جہڑے سبھ توں اگے چلدے دیکھے سن
 ویلے کولوں کنے پچھے رہ گئے نیں





عمراں لئی قیدی کیتا جے سانوں دسو تے تقصیر کوئی
 ہن مڑ کے فیر کیوں پے گئی اے ساڈے پیراں وچ زنجیر کوئی
 ہیراں تے اج وی گھر گھر وچ کسے رانجھے دے لئی کوکدیاں نیں
 انج کون والے کھندے نیں اے رانجھا تے نہ ہیر کوئی
 جیون دے بلدے تھل دے وچ میں کل مکلی رہ گئی آں
 نال باہل امبڑی کول مرے نہ بھیناں تے نہ ویر کوئی
 جی کردا اے کدی سامنے وی آ جاوے صورت چن ورگی
 اکھل وچ لے لے پھرنی آن اک رانجھے جی تصویر کوئی
 کدے کول میں جا کے اج پچھاں مرا رانجھے نال کد میل ہوسی
 کدرے وی نظریں اوندا نہیں وارث جیا پیر فقیر کوئی
 میرے تن تے جو کجھ ورتی اے اوہدا منصف کول انصاف کتھے
 جی دے نال ای کر گیا اے میرا دل وی لیر و لیر کوئی
 اک واری فیر میں دنیا توں مرزے نوں کھس کے لے چلی
 میرے کول ہن تیر کمان وی اے آوے تے میر شمیر کوئی !





سوچ رہیا واں اک جندڑی نیں کئے دکھڑے جالے
 اوہ دکھڑے ای بن گئے نیں ہن میرے شوق حوالے
 اوہو تے نیں آون والے لوکاں دے رکھوالے
 اگے ودھن دے دل وچ ارمان جنہاں نیں پالے
 فیر وی یاراں کدے نہ اپنی منزل کھوٹی کیتی!
 چلدیاں چلدیاں بھانویں پے گئے پیراں دے وچ چھالے
 ساڈیاں دل رفتاراں نیں گلزار ایہناں نوں کیتا
 ویریاں نیں تے ساریاں راہواں دے وچ بھانڈ بادلے
 جنہاں دے ہتھال دے اتے چن تے سورج بھٹکن
 اوہناں نوں اگے ودھ کے ملدے نیں آپ اجالے
 پیار دی سانجھ لے کاہدے لئی مزدوری تے مجبوری!
 اک دھرتی تے رہ سکدے نیں جیکر گورے کالے!
 رب کرے اوہ فیر مڑ کے اپنے وطنان نوں آون
 جنہاں نوں کل مل گئے سن سچ کہن تے دیس نکالے
 جنہاں انہی پا دتی سی سارے جگ دے اندر
 ہن اوہ کیوں فریاداں کردے سانوں کوئی سنبھالے!
 میرے لئی جمیل اے بوہتی اپنی کسل پوشی
 میں کیسہ کرنے غیراں کولوں لے کے شال دوشالے!





سچ کہہ دیتا توں لہر دے وچ
 ترے ورگا کون ایس شہر دے وچ
 ترے پیار دی چھاں بدل ورگی
 سڑدی بلدی دوپہر دے وچ
 جے تیرا سنگ نہ ہوندا تے
 جینا اوکھا سی قہر دے وچ
 اسی ہس ہس پیندے آئے آں
 بھڑا زہر اے دودھ دی نہر دے وچ
 دل دی پھیائی ویکھدی اے
 اک امرت رس وی زہر دے وچ
 کھلیاں اکھیاں ہن کہندیاں نیں
 اک بحر وی اے ہر لہر دے وچ
 ایہہ راول یار جمیل تے نہیں!
 اک جوگی پھردا شہر دے وچ





دل دھڑکے تے اکھ پھڑکے
 کیوں مڑ مڑ بوہا کھڑکے!
 اکھاں کیوں جھلیاں ہوياں!
 اتھرو اتھرو کیوں رڑکے!
 آسماناں نوں ہتھ لاوے
 انج دل وچ لبو بھڑکے
 توں رستے وچ نہ ہوویں!
 کئی ڈانڈی بجلی کڑکے!
 جنج پکے سوادى ہانڈی
 انج انج پیا بدل گڑھکے
 کھیتاں دے گیت دا سونا
 ہن وکدا سڑکے سڑکے
 میں ساری راتى جاگاں
 چن آ جا تڑکے تڑکے





مینوں جھوٹھیا تیری لوڑ وی نہیں
 بانہ پھڑ لئی آتے چھوڑ وی نہیں
 فیر وی کیوں چنگا لگنا اس
 کوئی تیرا میرا جوڑ وی نہیں
 منہ بولی تے ایسہ دل لے جا
 ایدھی قیمت لکھ کروڑ وی نہیں
 ایسہ کھیل اے، کھیل حیاتی دا
 ایسہ اپنی سوکھی دوڑ وی نہیں
 اوہ سامنے منزل دسدی اے
 ایس موڑ توں اگے موڑ وی نہیں
 اک توں جے میرا ہو جاویں
 مینوں ہور کسے دی لوڑ وی نہیں
 ربا، میری جھولی بھر دے
 کجھ تیرے گھر وچ تھوڑ وی نہیں





راہواں وچ پے گئی لوٹی
 تن ہویا بوٹی بوٹی
 لوکی منگدے نیں روٹی
 ملدا اے ڈنڈا سوٹی
 لگی جیون دی بازی
 تے چل پئی گوٹی گوٹی
 کیوں رستے دے وچ رکے!
 کیوں منزل کیے کھوٹی!
 جے کر ایہہ ساہ نہ ٹے
 سر ہوندی چوٹی چوٹی
 میں نیلی دا اسوار آں
 میں بچناں بھنگ منین گھوٹی
 ایہہ پیار تے دل دی گل اے
 ایہہ گل نہ سمجھیں چھوٹی!





مونہاں تے اچے بول
 ہتھاں دے وچ کشکول
 غیراں دی چاکری چھڈ
 سبھ کجھ اے تیرے کول
 مل جل کے کریے ، چل
 اپنی اپنی پڑچول
 سبھ چیزاں ستے بھاء
 دل دا موتی انمول
 سونا دل دے اندر
 ایویں ناں ریت پھرول
 توں سدھراں دی ووہٹی
 ایسہ گھونگھٹ دے پٹ کھول
 پھلاں ورگی جندڑی
 کنڈیاں اتے ناں تول
 دھرتی تے پیر جما
 توں کیوں ایں ڈانواں ڈول!





ناں اوہدے بوہے جا
 کملے دل نوں سمجھا
 جھڑا توڑے تیرا مان
 اوہ خیر نہ جھولی پا
 لے لے کے سوہنے ناں
 ناں کوچے خواب وکھا
 مونڈھے ای ٹٹ نہ جان
 ایناں وی بھار نہ پا
 اندر وی جھاتی مار
 دل دا بوہا کھڑکا
 سجا سجا وہڑا
 ٹر گئے سبھ بھین بھرا
 خالی جہناں دے ہتھ
 اوہناں دے نال خدا
 توں کیوں ملیا پردیس
 مڑ کے وطنوں نوں آ
 ترا رسیا یار جمیل
 نچ نچ کے یار منا





کھندی اے دھرتی ماں
 نت و سن شہر گراں
 میں سبھ نوں پیار کراں
 ہر ناں وچ تیرا ناں
 ہر ویلے میرے کول
 امبری دی سبھی چھاں
 ناں ہووے تیرا پیار
 تے کھڑے پاسے جاں!
 ہن کدرے وی لے جا
 توں پھڑ کے میری بانہ
 ویکھاں تیرا ای مکھ
 میں جھڑے پاسے جاں
 دل وچ یاداں دا شور
 کناں دے وچ شاں شاں
 آوے گا سوہنا یار
 کوٹھے تے بولے کل
 توں پہلا پیار جمیل
 مرا سبھ کجھ تیرے ناں





اتھے لبھدا ننیں کوئی مور
 موراں نوں پے گئے چور
 بنجے سبھ کھیت گراں
 شہراں وچ بہتا شور
 میرے آسمان دا چن
 کوئی لٹ کے لے گیا ہور
 دھرتی پئی کردی وین
 ایسہ آدم، آدم خور

ق

ایسہ بھن بھن کھاوے ماس
 پیا کھٹے اپنی گور
 میں تے ایسہ دل دریا
 دوہواں دی اور نہ چھور
 نیرے دے پچھے ویکھ
 پئی لش لش کردی بھور





کدرے نہیں تیریاں دکھاں
 تینوں لہدیاں پھریاں اکھاں
 توں سبھ دا ڈول سپاہی
 تینوں سارے جگ دیاں رکھاں
 میرے جہی کوئی نہ کملی
 تینوں چاہوں والیاں لکھاں
 لا، چک کے کالر نال
 میں پھل، رُلیا وچ گگھاں
 مینوں سبھ کجھ نظریں آوے
 مری تاریاں جنیاں اکھاں
 بن جاوے، موت، حیاتی
 ایسہ شد میں فیر وی چکھاں





چڑھیاں نہیں چیت براتاں
 گھر آیاں پیار سوغاتاں
 ایسہ تیری یاداں نگھیاں
 اوہ مٹھیاں گلاں باتاں
 ترے باج گزاراں کیویں
 ایسہ ڈوہنگیاں لمیاں راتاں
 چھم چھم کردی فیر آ جا
 مڑ آیاں نہیں برساتاں
 ساڈے پیار نوں ڈنگ نہ سکیاں
 ایسہ اچیاں نیویاں ذاتاں
 جیون دا دل سکھاوَن
 جتوں ہون یا ماتاں
 میں نال لہو دے لکھاں
 اکھن بن جان دواتاں





مرے دل تے تیرا راج
 توں میرے سر دا تاج
 اک میں اک تیری یاد
 مرا ایہو ای کم کالج
 توں پیسے والی نال
 میں کملی تیرے باج
 سدھراں تاں پیلاں پان
 جے گھر وچ ہووے اناج
 ازلاں توں تیری منگ
 میں منگتی میں محتج





مرے تن تے چھمکناں مار
 مرا ہولا کر دے بھار
 مری بیڑی وچ منجھار
 مری بیڑی کردے پار
 ایناں وڈھا سنسار
 تے میں وچ پہماں بھار
 اوہ نیلی دا اسوار
 مینوں فیر ملا دے یار
 وچ دل دریا دی چھل
 میں ایدھر توں اُس پار
 ہن میری جھولی بھر دے
 تیرا اچا دربار
 سجاں سبھ تیرے ناں
 ایسہ میرا روپ شکار
 ہتھ خالی نہ مڑ جاں
 پٹ کھول نہ بوہا مار
 مرے چھوٹے مے دل وچ
 سبھ توں وڈھی سرکار





جہڑے آپے چل نہ سکدے
 ہوراں دی راہ پئے تكدے
 جہڑے جان تلی تے رکھدے
 سچ کھن توں ننیں اوہ جھکدے
 جہڑے پانی وچ ننیں لتھے
 اوہ ریت سدا نئیں بھکدے
 ویلے دا ہڑ کد رکیا
 پر لوکی فیر وی ڈکدے
 جہڑے لوک حلال دی کھاندے
 اوہ کم کولوں ننیں اکدے
 ایویں ننیں جھولیاں پیندے
 پھل نال لہو دے پکدے
 چن سورج عشق مسافر
 نال رکدے تے نال تھکدے





اک پیار دا پنڈ وسا لے
 چل ریا یار منا لے
 سبھ یاراں نال بہاراں
 ودھ اپنے ہتھ ودھا لے
 ایدھا پھل سکدا ناہیں
 چاہواں دا بوٹا لا لے
 ایسہ بہار حیاتی والا
 ہس ہس کے بہار اٹھا لے
 ترا جوڑ زمانے نال اے
 ڈھ جا یا ایہنوں ڈھا لے
 میں عشق دا ناچ ای نچنا
 بھاویں جنال ناچ نچا لے
 ننیں ایدوں ودھ کمائی
 سچ بول تے عشق کما لے





کیوں مڑ کے پھیرا پیا نہیں رب خیر کرے
 راہ تکتی آں اوہ آیا نہیں رب خیر کرے
 ساڈے وچ تیجا کون اج آن کھلوتا اے!
 دوہاں چوں کسے منایا نہیں رب خیر کرے
 ایناں اکلاپا پہلاں تے نہیں ویکھیا سی
 مرے نال اج میرا سلیا نہیں رب خیر کرے
 اوہ ریا سی پر ایناں تے نہیں ریا سی
 اوس مڑ کے پھیرا پیا نہیں رب خیر کرے
 سینے دی ڈاڈی پیڑ تے مری حیاتی اے
 کیوں اج ایہہ درد سوایا نہیں رب خیر کرے
 انج خالی ہتھ میں اپنے گھر کنج جاواں گا
 کجھ وی تے اج کمایا نہیں رب خیر کرے
 جے بجھ گئی اپنی پیاس تے فیر کیہ لکھاں گا
 کندا اے دل ”ترہایا نہیں“ رب خیر کرے





لگدے نیں پنڈ دے لوکی کیوں اج اپنے آپ توں ڈرے ڈرے
 پل پل دے وچ لٹدے جاندے نیں سارے ای گھر بھرے بھرے
 جگ بیت گئے نیں چارے پاسے راج اے کھوٹیاں سکیاں دا
 کیوں چلدے نیں بازاراں وچ ایسہ اپنے سکے کھرے کھرے
 ترہائیاں بوٹیاں نوں خورے کیوں ہن تک پانی ملیا نیں
 سکدے جاندے نیں کیوں سوہنے سبھ بلغ بلیچے ہرے ہرے
 جسامں وچ ہن کیوں پہلاں جی اوہ خون دی گرمی باقی نیں
 اس شکر دوپہر دے وچ وی کیوں کلبوت نیں ساڈے ٹھرے ٹھرے
 کہیا ٹٹیا قہر حیا تے ناں جیونے آں نہ مرنے آں
 جیون دا دل نہ سکھئے تے رہندی اے موت وی پرے پرے
 جو بھل گئے ساں اوہ کم کریے کدرے ٹٹے برتن وانگوں
 اک پاسے پئے نہ رہ جائے اسی کملے لوکی دھرے دھرے
 اندر دا اک چنگیاڑا وی اڈاے تے بھانڈا بلدا اے
 بھاویں ویریاں مار مکلیا سی پر اپنے وی نیں مرے مرے





میں اوہدے نال ای اپنے دکھڑے جرنی آں
 میں کملی آں تے اک کملے تے مرنی آں
 اسی اک مک آں دوہاں دی اکو مرضی اے
 جو ماہی مینوں کھندا اے میں کرنی آں
 اک اوہدے کولوں، جاندی بجدی ہار گئی
 اوہ میراے کسے ہور کولوں کد ہرنی آں
 سکھ ملدا اے کیہ تیرے پیار سمندر وچ
 میں آپے ڈب ڈب جاندی، آپے ای ترنی آں
 کوئی کھس کے ای نہ لے جاوے مرے ماہی نوں
 رب خیر کرے، اُس ویلے توں میں ڈرنی آں
 ایس گھڑے نوں میں غیراں دا ہتھ لولایا نہیں
 ایہہ گھڑا تے میری آن ایس آپے بھرنی آں
 ایہہ دھرتی، میری دھرتی، سوہنی دھرتی اے
 میں سچ سچ کسے پیر زویں تے دھرنی آں





تیرے ای دل وچ چورتے نہیں!
 ایسہ میں آں، کوئی ہورتے نہیں!
 ہر ویلے پنچدا رہندا اے
 دل دے جنگل وچ مورتے نہیں!
 ملدے آں چانن راتاں وچ
 اسی دونویں چن چکورتے نہیں!
 سوہنی مہینوال دے دل ورگا
 کوئی بھانڈا نواں نکورتے نہیں!
 اپنا دل عقلان والا اے
 کوئی بال تے نہیں، کوئی چھورتے نہیں!
 جھڑا شور اے سڑکاں گلیاں تے
 اوہ اپنے دل دا شور تے نہیں!
 میں دنیا نال وی لڑ سکناں
 میں ایناں وی بے زورتے نہیں
 آکڑ کلہدی ذرا ویکھ کے چل
 ترے سامنے تیری گورتے نہیں!





فن لئی اپنا لہو پیتا
 گھاٹے دا سودا کیتا
 اوہ میرے دل دے ویڑے
 آ وڑیا چپ چپیتا
 بن باس دوہاں دی شکتی
 اوہ رام ہووے یا سیتا
 ہن شہراں دے وچ پھردا
 جنگل دا پلپلا چیتا
 سچ بول کے آپ ای بھناں
 اساں زہر پیالہ پیتا
 ایسہ اوہدی پیار نشانی
 میں دل دا زخم نہ سیتا
 ہر پاسے ایس دی خشبو
 مری پھلاں جی کویتا





دل اُنچ تے کلا لگدا
 پر سارے جگ نوں ٹھکدا
 سوکھا نتیں پیار نبھانا
 ایسہ کھیل اے بلدی اگ دا
 میں دل نوں کیسہ سمجھاواں
 چندرا نتیں آکھے لگدا
 میں ڈبدا تردا رہناں
 دل کول جھناں پیا وگدا
 نتیں ایدھا انت ہیرا
 ایسہ عشق سفر جگمگ دا
 کیوں چھل بل دے زمانہ
 میں بھیتی آں رگ رگ دا
 میں پاک وطن دا گھبرو
 میں راکھا ایدھی پگ دا





کیسہ لہجناں وچ ہزاراں
 میں اندر جھاتی ماراں
 جھڑا کم محبت کردی
 اوہ کردیاں نہیں تلواراں
 کدی دھرتی دل وی ویکھن
 اچیاں اچیاں سرکاراں!
 مڑ مڑ کے گھنڈ پے جاوے
 میں کنے کلج سنواراں!
 تری جت وی میری جت اے
 میں جان کے بازی ہاراں
 کوئی سکھ دا پتر آوے
 میں بیٹھی کاگ اڈاراں

جے توں بچناں مڑ آویں
 مڑ آون موج بہاراں
 مینہ چھم چھم چھم وے
 ویکھو تاں میگھ ملہاراں !
 ست رنگ دا پیار دوپٹہ
 ست رنگی پینگ ہلاراں
 گل گل دے وچ گل بندی
 گل جبدی اے وچ یاراں





پہلاں بیڑی آپ ڈبوندے او!
 فیر پیچھتاندے او' روندے او!
 کدی جھوٹھ کسے توں چھپیا نہیں
 کیوں اپنا آپ لکوندے او
 جے پھل نئی دے سکدے تے کیوں
 کنڈیاں دے ہار پروندے او!
 اُنج ندے او' جدوں لوڑ پوے
 مڑ نیڑے آن کھلوندے او!
 کسے حال اچ رہندے او یارو
 ناں جاگدے او ناں سوندے او!

ق

کوئی سکھ دا بوٹا لایا جے!
 درداں دی مٹی گوندے او!
 کدے اپنے ناں دی تختی وی!
 نت اٹاں گارا ڈھوندے او!





جہڑا بانہ ویلے دی پھڑدا
 اوہ ہار کے وی نہیں ہردا
 جنہوں جین دی چس نہ ہووے
 اوہ گرمی وچ وی ٹھہردا
 کیہہ حال غریب دا دساں
 ساہ ساہ وچ جیوندا مردا
 دن راتی چلدا رہناں
 نہیں کوئی انت سفر دا
 مک جاندی انج حیاتی
 دل اندریں اندریں کھردا
 میں جنم جنم دا تارو
 میں ڈب ڈب کے وی تردا
 کدی میرے ول وی ویکھو
 پیا کہندا روپ فجر دا
 جنہوں مان ایں اپنے رب تے
 اوہ کسے کولوں نہیں ڈردا





بھل گئے سو پہلاں سبھے تدبیراں نوں
 ہن پئے بیٹھ کے روندے او تقدیراں نوں
 کم کردے او نہ کردے او کم دی گل
 تھکدے رہندے او بس ہتھ لکیراں نوں
 جنہاں اپنی روح وچ پھاہی پائی اے
 کیہ توڑن گے پیراں دی زنجیراں نوں!
 اسے وکاؤ مال نیں لٹیا دھرتی نوں
 جھڑے وچ آئے نیں اج ضمیراں نوں
 ونبھل دے سر خورے کتھے ڈب گئے نیں!
 کھیڑے کڈھ کے لے گئے وسدیاں ہیراں نوں
 کدے تے ساڈے تیر نشانے لگن گے
 اوہ پئے ایویں روکدے پھردے تیراں نوں
 ایہناں تصویراں وچ سفر حیاتی دا
 کیویں بھل سکنا واں دل تصویراں نوں!





ایسہ بھکھ اے سالان ورہیاں دی، دل دی اگ نئیں اج دی
 کیسہ گل اے کیوں تینوں تک تک، کملی اکھ نئیں رجدی
 جدھر جاندی لاہڑے دا دل کھچ کھچ کے لے جاندی
 انج ووہٹی دے سوہے پیراں دے وچ جھانجھر وجدی
 پیار لکایاں کد لکدا اے، خشبو مونہوں بولے
 مینوں دیکھ کے سوہنی ایویں کاہنوں نندی بجدی
 آندے جاندے لوکی میلی اکھ دے جال وچھاو
 جند نمائی تینوں پلکاں تے اکھاں وچ کجدی
 بھوٹھ دی گل نوں سچ دے نال وٹائیے چور سدائیے
 سچے لوکاں دے ہوٹھاں تے سچی گل ای بجدی
 جو ساڈے ہوٹھاں تے آوے منہ تے مار نہ دیے
 رب سوہنا توفیق دیوے تے گل کریے کوئی بجدی





جلدیاں بھدیاں میراں اکھاں
 لبھدیاں پھردیاں تیراں دکھاں
 توں ننیں مڑ کے پھیرا پیا
 میں تے رل گئی آن وچ گکھاں
 اک وچھوڑے والی بھر کے
 لانبھو اٹھدے سڑیاں اکھاں
 کوئی چور نہ چک لے جاوے
 تینوں دل وچ سانہ کے رکھاں
 اکو میں ننیں دھندی بلدی
 میرے جیہاں ہور وی لکھاں
 جے لکھ وار وی مر مر جیواں
 فیر وی تیرا پیار ای چکھاں





آگوں پچھوں مڑ مڑ آون کیهو جہیاں آوازاں
 مینوں آپ وی بھیت بنایا تیریاں گوہریاں رازاں
 ایسے لئی تے دل دھڑکن دے نال ای توہنا وجے
 دل وچ درد اے رچیا وسیا جیویں سُر وچ سازاں
 چنگا سی جے تیتھوں وار ای دیندے اپنی جندڑی
 لکھ توں لکھ دا کیتا تیریاں نازاں تے اندازاں
 پُن کولوں وی پاپ نہ کٹیا کنیاں عمراں لنگھیاں
 ربا! کیوں ایسہ بھیت نہ کھلیا نیتیاں لکھ نمازاں
 بھاویں کونجاں لکھ کرلاون کون ایہناں دا دروی
 بوٹی بوٹی کر کے کھلہدی خورے کنیاں بازاں
 دلاں دے پینڈے ہوو ودهائے لے گئے دور دراڑے
 دیساں توں پردیسی کیتا گھمن گھیر جہازاں
 دھرتی دے دکھ جنے ہن نیں کد سن صدیاں پہلے
 کچھ وی کم نہ آیاں ایسہ اچیاں لمیاں پروازاں





ساریاں عمریں توں سی جس نوں ماریا تے ترنایا
 اوہو جھلا تیرے بوہے جوگی بن کے آیا!
 ست سمندر پیتے فیر وی میری پیاس نہ بجھی
 کل وی میں ترہایا ساں تے اج وی میں ترہایا
 کنہوں کنہوں یاد کراں تے کنہوں کنہوں روواں
 ماں پیو وچھڑے بہناں وچھڑیاں، وچھڑ گیا ماں جایا
 بنجر تھور زمیناں اتے خورے کیوں نہیں وسیا
 انج تے بدل گجیا وسیا چارے پاسے چھایا
 جو درداں دا پارکھ ہووے خود موتی بن جاوے
 اوہو درد ای ملیا مینوں جہڑا درد سوایا
 میرے دکھ میرے نیں پر وکھرے تے نہیں ایسہ سبھ توں
 ایسے لئی تے اپنے دل وچ سبھ دا درد وسیا
 کلا ہو کے وی میں اتھے کدی وی نہیں ساں کلا
 قدم قدم میرا دلدار سی میرا یار سی، سلیا
 میں وی تیرے ہر ہر روپ اج سو سو بھیت پچھانے
 توں وی سوہنیا مینوں اپنا ہر ہر روپ دکھایا
 اک انمول محبت کئی اپنی، کئی دکھری
 فیر جیل میں کیوں اے سوچاں کیسہ کھویا کیسہ پایا!





جہڑا بوئے اوہو کئے، محنت دا پھل کھاوے
 ساڈا خون پسینہ کوئی کیوں کھس کے لے جاوے
 کھچدی تند نوں ہو رہ نہ کھچے کدرے ٹٹ نہ جاوے
 روز روز دے جھگڑے جھیرے عمراں دے پچھتاوے
 کل مکلا پکھرو کنہوں یاد کرے تے گاوے
 دھڑک دھڑک دل بولے کوئی آوے آوے آوے
 کوئی اجیہا بیلی ہووے جہڑا درد وندھاوے
 آپ وی رووے تے سانوں وی اپنے نال رواوے
 پہلاں آپ منا لیندے ساں ہن نہ کوئی سُندا
 رُسیاں ہویاں یاراں نوں ہن کیویں کوئی مناوے
 ایہو گل تے بجھنی اوکھی پیار دا رنگ اے کھڑا
 سارے ای رنگ اک مک ہوئے سوہے، پیلے، ساوے
 روز ہی منگے محل دو محلے روز طلاقاں لیوے
 دنیا کھوٹی سبھ دی ووہٹی ایہنوں کون وساوے!



ہاسیاں وچوں کھڑ کھڑ پیندے پھل گلاباں والے
 رب کرے ایدھر ناں آون نہیر عذاباں والے
 دل دے سو دے دلاں دے نال نیں ایسہ نہیں وکدے ہٹیاں
 چاہواں والیاں کول نہ ہوندے پتر حساباں والے
 اپنے دل دیاں کھندے جانے سبھ دا دل پرچاندے
 سوہنیاں سوہنیاں گلاں کردے عشق کتاباں والے
 میرے کول سوال نیں 'سبھ' ساریاں گلاں باتاں
 دل دھڑکن دے وچ پئے بولن حرف جواباں والے
 آگے آگے ودھدے جاؤں ویلے نوں ہتھ پاؤں
 سبھ کجھ ہار کے بہہ نہیں جانے سچے خواباں والے
 ایویں ناں ایسہ عمر وہائیے اپنا آپ لٹائیے
 آئے آں تے کر جائیے کجھ کاج ثواباں والے
 غیراں دے محتاج نہ ایسہ محتاج کے نوں رکھدے
 مست الست ای رہندے سبھ صدق شراباں والے



جو کچھ اپنے پیار چبارے
 اوہ ننیں لبھدا ہور دوارے
 گکھ والے لکھاں وچ کھیڈن
 ہن پنڈاں توں گکھ وی بھارے
 غیرتاں عزتاں وکدیاں پیٹیاں
 گلی گلی پھر دے ونجارے
 توں خورے کتھے جا گیا!
 توں کیوں وسدے شہر و سارے!

ق

ایسہ دل جھلا، کل مکلا
 مڑ مڑ تینوں واجاں مارے
 دل وچ کربل اگ پئی مچدی
 اکھاں دے وچ رڑکن تارے
 پیار دے بھکھے کچھ ننیں منگدے
 ایسہ لوکی، درداں دے مارے
 جہناں جتی حق دی بازی
 ہار کے وی اوہ مول نہ ہارے!
 اکھر اکھر لکھ لکھ یاراں
 درد و نڈائے کالج سنوارے





ترے نال نہیں ہمتاں میریاں
 ایسہ سبھ توفیقاں تیریاں
 کدے وگدا ہڑ دی رکیا!
 توں کاہنوں راہواں گھیریاں!
 ترا مکھڑا ہور وی لٹکیا
 توں زلفاں انج کھلیریاں
 اندر دی لو دے نال نہیں
 ایسہ اپنیاں سبھ دلیریاں
 تیرے توں سبھ کجھ واریا
 توں فیر وی اکھاں پھیریاں!
 کتھے کتھے لے آئیاں
 ویلے دیاں گھمن گھیریاں
 سبھ جیوندے جی دیاں یاریاں
 تے انت مٹی دیاں ڈھیریاں
 مرا سبھ کلبوت اجالیا
 دل چاک دیاں چک پھیریاں
 سورج دی لو پئی جاگدی
 راتاں بے انت گھنیریاں



اوہ جھڑیاں دل توں سنگیاں سن
 سجھے ای گلاں چنگیاں سن
 ریتجھاں دی چال اولڑی سی
 اوہ اندروں ہو کے لنگیاں سن
 توں مینوں ہڑ وچ سٹیا سی
 میں تیریاں خیراں منگیاں سن
 تینوں ہمتھاں تے پُکيا سی
 توں میریاں تلیاں ڈنگیاں سن
 توں مار مکایاں سبھ گلاں
 میں خون دے رنگ وچ رنگیاں سن
 کیوں چلدا بھیریاں راہواں تے
 سبھ راہواں ای بے ڈھنگیاں سن



فیر وی توں سمجھا دتا اے کیہ اے اج تے کل
 انج تے توں سیں ویلے دی اک چڑھدی لہندی چھل
 کوئی آوے گج وچ کے تے سبھ کجھ لٹ لے جاوے
 اوہو بھکھا سوویں جیدھے موہنڈے اتے ہل
 کل نہ آکھیں ویریاں آ کے کڈھا قہر کمایا
 ویکھ ڈھنڈورا بن جاندی اے مونہوں نکلی گل
 کھڑا کھڑا درد پھوللاں کنے رونے روواں
 اوہدی اک اک گل اے میرے سینے دے وچ سل
 توں اپنے ہتھال دی مہندی دی وی قدر نہ کیتی
 ہن سنجڑے وہڑے وچ بہہ کے خالی ہتھ نہ مل
 جے توں میرا نہیں سیں تے ہن کیوں اج میرے بعد
 شور اے تیرے کئال اندر سینے وچ تھر تھل
 سچا پیار ای رہندا اے ازلاں اداں دے نال
 باقی سبھ ڈھلے پرچھانویں سبھے پل دو پل





جے کوئی بیس نہ اندروں مہکے، سکيا بوٹا کھلدا ننیں
 اپنے دل وچ سچ نہ ہووے تے فیر سچ وی ملدا ننیں
 کنیاں رمزاں چھپیاں ہویاں بے چینی، حیرانی وچ
 پانی وچ کنکر نہ ماریے تے ایسہ جن وی ہلدا ننیں
 اوہنوں ایناں درد کدوں اے ہور کسے دے زخماں دا
 جنہوں جے کر زخم وی آوے، بھر جاوے تے جھلدا ننیں
 تن نوں زخم لگے تے ویلا، اپ ای اوہنوں بھر دیندا
 من دا گھاؤ بوہتا ڈوہنگا صدیاں بعد وی سدا ننیں
 یاراں تے دلداراں ساتھوں رس کے مار مکایا اے
 کیوں ناں رویے اوہناں دے لئی دل پتھردی سل دا ننیں
 اسی دلاں دی ہٹی بہہ کے پیار دا سودا کرنے آں
 جھڑا سودا دنیا منگدی اوہ سودا ایس دل دا ننیں
 کسے وی تارے دا لشکارا ایدھی رمز پچھانے ناں
 دل دے کولوں ودھ کے مل اس سوہنے سجرے تل دا ننیں





ناں کوئی ہیر تے ناں کوئی رانجھا جائے کھڑے پاسے
 وچ تھلاں دے نس نس مرے فیر وی رہے پیاسے
 ناں بابل ناں امبری، بھین بھرتے ناں بھرجائیاں
 یاد اوہناں نوں کرے روئے، دیوے کون دلائے!
 کتھے نیں اوہ پنکھ پکھیرو، اجڑے باغ بے نیچے
 سنجے سنجے ویڑے، کوئی وی نہیں آسے پاسے
 کیسہ کیسہ خواب خیالاں دے وچ آوے، اڈ پڈ جاوے
 خورے مڑکے فیر آ جاوے، گئے ہوياں دی آس اے
 سوہنیاں ناراں بن قطاراں گھڑے بھرن نوں چلیاں
 مٹھیاں گلاں امرت گھولن، جیباں جویں پتاسے
 اک سکے دے پچھے ایتھے کیسہ کیسہ جھگڑے جھیرے!
 بھاء تے ایدھا سونے دا اے کھوٹے دوویں پاسے
 کیوں آئے سال کیسہ کر چلے، ایہو سوچدے رہے
 دو دن دی ایسہ حرص کمائی، سارے جگ دے ہاسے
 جگ سنیا را پیار نوں وی تکڑی تے رکھ کے تولے
 پیمائی اوہ سونا جیدھے وچ نہیں تولے ماسے





ڈھولے ماسیے گاؤں والا کوئی نہیں

فیر وی ویکھو ہس دی پئی آں روئی نہیں

اتھرو اتھرو موتی موتی ورگا اے

جھالر پیار دی کنڈیاں وچ پروئی نہیں

اوہ کیہہ جانن پیار دا ڈنگ کج لگدا اے

انگلی تے سوئی وی جنہاں چھوئی نہیں

بیر بہوئی سمجھ کے دوروں ویکھدے رہے

ست رنگاں دی پینگ کدے وی چھوئی نہیں

کاہنوں لوکاں اکھاں پچھے لا لیاں!

کول کسے دے ذرا کوئی دل جوئی نہیں

اپنے گھر والے کئے بے خبرے نہیں

کھڑی دتھ اے بھڑی اتھے چوئی نہیں

اوہو مالک فیر وی بھے زویاں دے

کدی وی جنہاں کوئی فصل وی بوئی نہیں

انج تے جیوندے جی مرگئے آں فیر وی کیوں

سدھر اج وی سینے دے وچ موئی نہیں

تیرے ہندیاں انج لگدا اے یار جمیل

بھ کجھ کھوء کے کوئی چیز وی کھوئی نہیں






چھوٹیاں چھوٹیاں گلاں اتے، وڈے جھگڑے جھپڑے
 جے کوئی تیج دی گل کرے اتے کوئی نہ لگدا نیڑے
 شہر وی سارا جنگل ورگا گھلدا کون سنہڑے!
 کنڈیاں مار کے بیٹھے ہوئے آں، کنیں آناں ویڑے
 درواں دے موسم وچ اتھے کون کسے دا دردی!
 دکھ دا موسم ویکھ کے سجال سکھ دروازے بھیڑے
 کھیت وی ساڈے نیں ترہائے، اسی وی آں ترہائے
 انج تے لکھ دعاواں منگیاں بھرویں کھوہ وی گھیرے
 کس کم دی اوہ شہرت، عزت، کس کم دی اوہ دولت
 جنہیں ساڈے یار وچھیڑے جنہیں ویر نکھیڑے
 جوگی بن کے پنڈ توں باہر اسال رمائی دھونی
 لوہہ نوں چھڈیا، جوگ نوں ملیا، کوئی نہ سانوں چھیڑے
 مر جاوَن توں بعد کسے نہیں مڑ دنیا وچ آنا
 جیوندے جی دے کھیڈ تماشے سارے درد بکھیڑے





میں اوہدے عشق اچ بلیا مینوں لبھیا اپنا آپ
 جنہیں مینوں چھمکال ماریاں مینوں اوہدی اگ دا تپ
 مرے چُچے چُچے پیار نال ایسہ سبھ دھرتی سیراب
 میں وچ سمندراں ڈبیا میں اڈیا بن کے بھاپ
 جے ایدھی تھاہ نوں پاؤنا تے دل دریا وچ ڈب
 بے انت سمندر وقت دا دن راتاں نال نال ناپ
 مینوں کجھ وی سمجھ نہ آؤندی اسی آکھو آں یا دو
 تیرے مکھ تے میری چانی میرے اتے تیری چھاپ
 تن من سن وکھرو وکھرے تے کناں سی بیراگ
 جد جداں سبھہ الاہنگیاں تے فیر کیسہ پن کیسہ پاپ
 صدیاں دے پینڈے کٹ لئے اسال چل چل پبھال بھار
 ازلاں دے وچھڑے ہوئے سال اچ مڑ کے ہویا ملاپ
 میں ایہدی سن سن راگنی پیا پاواں سارے بھیت
 میرے دل دا پنبا جدا میرا ایہو پیار ملاپ





اپنی ماں بولی وچ غزلاں کہنا واں
انج لگدا اے ماں دے کول ای رہنا واں